



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

Վ. ԼՈՒՆԿԵՒԻՉ

# Կ Ա Պ Ի Կ Ն Ե Ր

(Պ ա ս կ եր ա զ ա ր ղ)

Թարգմանութիւն

ՅԱԿՈՎԻ ՔԱՀԱՆԱՅ ՍՍՈՒԿԵԱՆԻ



ԹԻՖԼԻՉ

«Լեհամբարձ» հարսանի «ՀԵՐՄԻՍ» ընկեր., Մազաքեան փողոց 15.  
1905

86

572.8

d-88

3 : 05 . 2013

13129

«Ազատ» թերթագրության համար  
20 JUL 2010

572.8

Է-88

պր.

Վ. ԼՈՒՆԿԵՒԻԶ

530

55-ԼՈ

# Կ Ա Պ Ի Կ Ն Ե Ր

(Պ ա ս կ եր ա զ ա Ր ղ)

Թարգմանություն

ՅԱԿՈՎԻ ՔԱՀԱՆՍՅ ՍԱՌԻԿԵԱՆԻ

1002  
9367

ԹԻՖԼԻԶ

Տպարան «ՀԵՐՄԻՍ», Մադարեան փողոց 15.

1905

86

30  
1-2

---

Дозволено цензурою. Тифлисъ, 16 ноября 1904 г.


---

I

Նկարագրելով չէ կարելի երևակայել կապիկն՝ իր ամբողջ  
այլանդակ գեղեցկութեամբ: Կապիկը մարդու հասցէին ուղ-  
ղած մի ծաղր է, որովհետև մարդու նման շատ բան ունի.  
սակայն եղած նմանութիւններն էլ շատ այլանդակ, կոշտ ու  
ծիծաղելի են: Բայց, ի հարկէ, չպիտի կարծել, թէ բոլոր  
կապիկներն այլանդակ, տեսքով էլ զգուելի են: Մեր երկը-  
ների մարդու համեմատութեամբ, անշուշտ, Աստուած գիտէ՝  
թէ դրանք ինչ բաներ են. բայց չէ որ աշխարհիս երեսին  
մեր երկրներից դուրս էլ տեղեր կան, որտեղ զանազան վայ-  
րենիներ են ապրում. ինչպէս օրինակ սև նեգրերը և պղն-  
ձագոյն հնդիկները: Սրանց մէջ երբեմն սարսափելի այլան-  
դակներն են պատահում—կարճահասակ, երկայնուկրոտ ձեռ-  
ներով, մեծ ու կախ ընկած փորով, լայն ու պաճոյ քթով,  
փոքրիկ ճակատով, մեծ թշերով և ցցւած ստորին ծնօտով:  
Այսպիսիների համեմատութեամբ կապիկները շատ էլ տգեղ  
չեն կարող համարուել: Ասենք առանց այսպիսի համեմատու-  
թեան էլ կապիկների մի քանի տեսակները կան, որոնք  
տեսքով բաւական գեղեցիկ են. մի խօսքով, սրանցում էլ  
կան գեղեցիկներ ու տգեղներ, վայելչակազմներ ու այլան-  
դակներ, ճարպիկներ ու անշնորհներ...

Նայեցէք կապիկի կմախքին. (նկար 1.) եթէ դուք երբ  
և իցէ տեսել էք կովի, ձիու կամ շան կմախք, իսկոյն կնը-  
կատէք, որ այդ կմախքն ընդհանրապէս նման է այդ կնը-  
դանիների, առաւել ևս մարդու կմախքին.—ձեռք ու ոտքի  
նոյն ոսկրները, նոյն կողերը, նոյն ողնաշարը, նոյն թիակ-

ները, նոյն անրակները և այլն: Կապիկի ոսկորները պատած են մտով, որ ծածկւած է բրդոտ մորթով, իսկ ներսում, ինչպէս և մարդու մէջ, տեղաւորւած են նրա թորերը, սիրտը, լեարդը, ստամոքսը, աղիքները, փայծախը, երիկամունքը, մի խօսքով այն ամենն, ինչ որ հարկաւոր է ուտելու, խմելու, շնչելու, կերածը մարսելու, և ընդհանրապէս ապրելու համար:




Նկ. 1—Կապիկի կմախիք.

դրանք բաւական գեղեցիկ են և շատ թանկ են գնահատուում:

Աֆրիկայում, հարէշները երկրում, մի տեսակ կապիկ կայ, որ աչքի է ընկնում իր գեղեցկութեամբ. դա Վիլհէցա է կոչուում, որ մի շատ պատուական և ուրախ կենդանի է: Ամբողջ մարմինը ծածկուած է խիտ ու սև մազով, որ կարծես թաշէ հագուստ լինի. իսկ ճակատի, վզի երկու կողմերի, կզակի ու կոկորդի մազը բոլորովին սպիտակ է. բայց ահա թէ ինչո՞վ է նա գեղեցիկ. մարմնի երկու կողմերից

Շատ կապիկներ պոչ են ունենում—ոմանք կարճ, ոմանք երկար. բացի դրանից բրդով են ծածկուած լինում, իհարկէ ոչ միատեսակ. այնպիսիները կան, որոնց բուրդը կարճ է ու սեւեւակ. ոմանցն էլ ընդհակառակը՝ շատ երկար է, կարծես մազէ մուշտակ լինի. (Նկար 2.): Շատ անգամ այդ բուրդը միատեսակ գոյն է ունենում—երբեմն սև, երբեմն մոխրագոյն, պատահում է և դանազան գոյներով. այդ դէպքում մարմնի մի քանի տեղերը աչք ծակելու չափ նախշուն են լինում: Ասիայում, հնդկների երկրում, երբեմն բոլորովին սպիտակամորթ կապիկներ են պատահում.



Նկար 2.

կախկիւած են երկար, արծաթի պէս սպիտակ մազեր, որոնց միջից փայլում է նրա մարմնի վրայի ձուլթի պէս սև մազը. պոչն էլ այդպիսի սպիտակ ու փափրիկ պսակ է կազմում: Գվէրէցան կապիկները մէջ ամենից գեղեցիկն է (նկ. 3): Դրան հակառակ՝ մանդրիլը մի կատարեալ հրէշ է. նայեցէք հէնց նրա հաստ ու անշնորհք մարմնին, մեծ գլխին, դնչին, ներս ընկած այտերին, մեծ ու տափակ քթին, մեծ-մեծ ու սուր ատամներով ահագին բերանին (նկ. 4). մազը կոշտ է ու խառ-




նկ 3. Գվէրէցա.

նուած. գոյնը դժւար է միանգամից որոշել. մէջքի մազը գորշ-կարմրաւուն է, կողքերինը մի քիչ աւելի պարզ, փորինը մութ սպիտակ. կուրծքը դեղին է. իսկ մօրուքը բաց-դեղին—ճիշտ լիմոնի գոյնի:

Ի դէպս մօրուքի մասին: Կապիկներից շատերը մօրուք են ունենում, որ զանազան տեսակ է լինում—նայելով կապիկների ցեղին. նոյնիսկ այնպիսի կապիկներ կան, ինչպէս օրինակ սասանի կապիկ կոչւածը, որոնք խիտ, երկար, գանգուր ու բաւական ծիծաղելի մօրուք են ունենում (նկ 5):

Նոյնը պիտի ասել նաև կապիկներից մի քանի տեսակների գլխի մազերի մասին. ախ, որքան ծիծաղելի են գլխի այդ զարդերը... Նրանց մազերը սանրոյ չկայ, բայց մի տեսէք, թէ նրանցից ոմանք ինչ տնկօզն են. կարծես հէնց նոր դուրս եկան սափրիչի մօտից, որ խուզել, սանրել,



նկ. 4. Մանդրիլ.

փափկացրել, գանգուրել է նրանց մազերը. մէկի համար քաբուլ է շինել, միւսի ճակատին փունջ թողել, երրորդի մազերին վեղարի ձև տուել... զարմացք... և դեռ մենք ուզում էինք կապիկներին այլանդակներ անուանել (նկ. 6):

Պարսիկների մեր փողոցներում շրջեցրած կապիկները փոքր տեսակներին են պատկանում. դրանք կամ կզակա-

պիկներ են (Мартышка) կամ Պավիաններ. սկիւռի չափ կապիկներ էլ կան. սրանք ամենափոքր տեսակներն են. բայց մարդաչափ մեծերն էլ կան, որոնք մարդանման են կոչուում,



Նկ. 5. Սասանի կապիկ.


որովհետև՝ մանաւանդ ջանել ժամանակը շատ նման են լինում մարդուն: Ընդհանրապէս կապիկներից շատերն ամենից շատ մարդուն են նման. ոմանք էլ շանը կամ սկիւռին: Կապիկների տեսակները շատ - շատ են և զանազան անուններ էլ ունեն, սակայն ես մանրամասն միայն կպատմեմ գարիլայի, Շիմպանզի, օրանգուտանի և ծիծաղից մեոցնոյ կզակապիկների

մասին:

Առաջներում Եւրոպայում, ինչպէս օրինակ Յրանսիայում և Անգլիայումն էլ կապիկներ կային, բայց այժմ այլևս չկան: Նրանք տաք երկրներ են սիրում, այդ պատճառաւ էլ նրանց հայրենիքն այժմ Ասիայի և Աֆրիկայի տաք գօտիներն են դարձել. համարս բոլոր կապիկներն ասիացի կամ աֆրիկացի են. ասենք ամերիկացիներ էլ կան: Նրանք առհասարակ ապրում են խիտ ու անանցանելի անտառներում մեծ-մեծ խմբերով, երբեմն էլ միայնակ կամ առանձին ընտանիքով. մի քանիսներն էլ քաշուում են ժայռոտ սարերը: Բնակութեան տեղ ընտրելիս նրանք ամենից շատ աշխատում են, որ շրջակայքում բաւականաչափ կեր լինի. դրա համար էլ եթէ անտառի խորերում կերակուրը բիչ է, բնակ-

ուում են գիւղերին մօտիկ, այն էլ այնպիսի գիւղեր են ընտրում, որոնց բնակիչները կապիկին դիպչելը կամ սպանելը մեղք են համարում:

Այստեղ արդէն նրանց համար ասպարէզ կայ. մօտեր-



Նկար 6.

քում բանջարանոցներ ու պարտէզներ, ուր հասնում են անուշահամ սեխն ու ձմերուկը և այլ արմաթք, իսկ սրանց կողքին սիմիւզրի ու շաքարեղէգնի ցանքեր, ուր նոյնպէս նրանք ուտելու բան ունեն: Կապիկները բաց դաշտերում կամ թփուտներում ապրել չեն սիրում: Գետերին մօտ ընկած ճահճոտ անտառներ—ահա նրանց մեծամասնութեան սիրած տեղը. այստեղից նրանք դուրս են գալիս միայն

համեղ կերակրներ որսալու համար: Հէնց որ դաշտերում ու մարգագետիններում հասնում են պտուղներն ու երևում են ծղրիղները, իսկոյն կապիկները մեծ բաւականութեամբ թողնում են անտառն ու պտուղների վրայ ընկնում կամ ծղրիղներ որսում, որոնց նրանք բաւականութեամբ անուշ են անում:

Բոլոր կապիկները չորս ձեռնեան էլ են կոչւում, այդպիսի անուն ստանալու պատճառն այն է, որ բոլորն էլ իրենց չորս ոտներն իրրև ձեռներ կարող են գործածել—նըրանցով ճարպիկ կերպով ամեն բան բռնել, ծառերի ճղներ կտորփել և այլն: Սրա պատճառն այն է, որ համարեա բոլորի ետի ոտների մեծ մասն ազատ կերպով ետ ու առաջ, աջ ու ձախ է դառնում. ճիշտ այնպէս՝ ինչպէս առաջի ոտների կամ մարդու ձեռքերի մեծ մատը:

Հրտաքըքիր է իմանալ, թէ նրանք գետնի վրայ ինչպէս են ման գալիս. նրանք քայլում են ընդհանրապէս չորս ոտների վրայ. միայն խոշոր տեսակներն, ինչպէս գարիլլան, օրանգ—ուտանը և շիմպանզէն կարող են կանգնել ետին, ոտների վրայ և այդպէս ման գալ. սակայն այդ քայլածքը շատ անճոռնի է և յիշեցնում է ետին թաթերի վրայ ման եկող արջին. ասում են գարիլլան կարող է առաջին ոտներով ձեռնափայտի վրայ յենել, իսկ ետինների վրայ ման գալ. ռըքան ուղիղ է այս—դժւար է ասել: Շիմպանզէն էլ է կանգնում ետին ոտների վրայ, բայց այդ դէպքում էլ՝ մինչև ձեռքերը ծոծրակին չ'դարսէ, հաւասարակշռութիւն չի կարող պահել:

Առ հասարակ այս կապիկների ման գալը մարդու քայլուածքին քիչ է նման: Մարդը ման գալիս գետնին միայն ոտներով է յենում, իսկ գարիլլան և շիմպանզէն առաջիններով էլ են իրենց պաշտպանում.—թեթև կերպով բարձրացնում են իրանը և սկսում ման գալ շատ դանդաղ ու անշնորհ կերպով. կարծես կոնատակերին անթացուպ ունենալիս լինին:

Գետնին այսքան անշնորհ կապիկներն իրենց շատ


լաւ են զգում ծառերի վրայ. այդտեղ նրանք աննման են թէ ճարպիկութեամբ, թէ դիւրաթեքութեամբ և թէ նոյնիսկ քաջութեամբ: Այդ շարժումների ժամանակ մեծ ծառայութիւն է անում նրանց ճկուն ու երկար պոչը, որով շատ վարպետօրէն ծառին կպչել գիտեն: Որպէսզի հասկանալի լինի թէ՛ կապիկները ծառերի վրայ որպիսի՛ ճարպիկութեամբ են շարժւում. ես առաջ կըբերեմ Բրէմ գիտնականի գեղեցիկ նկարագիրը:

«Կապիկները կատարեալ ջամբազներ են. կարծես ուղղակի թռչում են. բասն, երեսուն ֆուտ ոտիւնը նրանց համար ոչինչ բան է. նրանք ծառի կատարից ընկնում են երեսուն ֆուտ ցած գտնւող ճուղի վրայ, որը թափով խոնարհւում, կրկին արագ բարձրանում ու կապիկին ուժեղ հակահարուածներ է տալիս, բայց նա սլաքի նման սուրում է օդի մէջ. այդ ժամանակ պոչն ու ոտները նրա համար դեկ են. այդտեղից անփորձ երկրորդ ծառին անցնելով, նա ամենազարհուրելի փշուտներում այնպէս է անց ու դարձ անում, կարծես ուղիղ յատակի վրայ լինի—գետնաքարը բոյսերը նրա համար հրաշալի սանդուղք են, ծառի բունն ուղիղ ճանապարհ, նոքա շուլալւել գիտեն ետևից ու առջևից, գլխիվեր ու գլխիվայր, ճուղի վերևից ու հակառակ կողմից. եթէ կապիկին ծառի կատարից ցած շարտենք, նա իսկոյն կըռնի մի ճղնից և հանգիստ կերպով կսպասի մինչև ճուղը ճօճալուց դադարի. այնուհետև նա վեր կմագլցի ու ճղնից ճուղ կանցնի այնպէս, կարծես յատակի վրայ լինի. կտորուց այդ ճուղը, նա կըռնի երկրորդից, երրորդից, չորրորդից. իսկ եթէ վայր ընկաւ, այդ առանձին նշանակութիւն չի ունենալ: Ինչ որ չի կարող բռնել առաջին ձեռքերով, կըռնի ետիններով: Իսկ ամերիկականը նաև պոչով (նկ. 7): Պոչն աճագին գործ է կատարում. ոտիւնների ժամանակ բոլոր կապիկների համար նա դեկ է. բացի դրանից նա շատ բանի է պէտք գալիս. շատ անգամ նոյնիսկ ընկերով սանդուղք է դառնում: Պոչն Ամերիկայի կապիկների համար հինգերորդ, բայց ոչ, աւելի առաջին ձեռքն է: Նրանից է կախ ընկնում



ու ճօճուում ամբողջ իրանը, նրանով է խոտոչներէց կերակուր հանում, նա երբեմն սանդուղք է դառնում, իսկ երբ կապիկը ճաշից յետոյ քնել է ուզում, պոչը նրան իբրև մահճակալ է ծառայում:

Կեանքի մեծ մասը ծառերի վրայ անցկացնելով, կապիկները համարեան ընակարան չեն շինում, այլ գիշերում են



Նկար 7.

բաց երկնքի տակ, ընտրելով գրա համար աւելի խիտ ու յարմար ճղներ:

Միայն առանձնութիւն սիրող ու կանոնաւոր ընտանիք կազմող օրանդ-ուտանն է, որ ծառերի վրայ ճղներից բաւական մեծ բուն է շինում. ինչպէս պատմում են ճանապարհորդներն՝ այդ բունը երբեմն խրճիթանման է լինում, ուր հանգիստ գիշերում է—մարդու պէս կողքի վրայ պարկեւով. ցուրտ եղած ժամանակը նա նոյնիսկ խոտեւրով ու տերեւներով էլ է փաթաթւում:

Ուտելիքներում կապիկները շատ էլ խտրութիւն չեն դնում. ուտում են ամեն բան—պտուղներ, ընկոյզ, կոճղէզ, արմտիք, հատիկներ, տերեւներ և բոյսերի հիւթեղ ցողուններ:

Ինչպէս տեսնում էք, կերակրի մեծ մասը բուսեղէն է: Ձուն, թռչունների ձագերը և այլ սրանց նման ուտելիքները նրանց համար շատ քաղցր պատառներ են. մարդկանց մօտ սովորում են նաև միս ու ձուկն ուտել:

Անշուշտ, հետաքրքիր է իմանալ թէ կապիկները որքան են ապրում. այդ առթիւ որոշ բան ասելը դժւար է: Ենթադրում են, որ մեծ տեսակներն անգամ ժամանակ մինչև 40 տարի կարող են ապրել. իսկ ազատութիւնից զրկւած դէպքում մի քիչ պակաս. առհասարակ անազատ կեանքը նրանց վրայ մահացու կերպով է ազդում. մեր երկրին նըրանք դժւար են ընտելանում և միշտ իրենց հայրենիքի կարօտը քաշելով, հալ ու մաշ են լինում: Դրանից թոքախտ են ստանում ու շուտով մեռնում: Ասենք բոլորովին այլ կերպ վերաբերող տեսակներ էլ կան: Անազատ կեանքին աւելի դժւար ընտելանում են խոշոր տեսակները: Հիւանդ, ևս առաւել մեռնող կապիկին նայելը շատ ծանր բան է. այդ ժամանակ որքան մարդկային բան կայ նրանում: Ուրախ ու խաղասէր կապիկը թոքախտով հիւանդանալով, դառնում է տխուր, լուռ ու մռայլ. որքան աւելի է նա մօտենում մահւան, այնքան աւելի ցաւալի է դառնում նրան նայելը: Ուշագրաւն այն է, որ այդտեղ, գերեզմանի դուռը հասած ժամանակ նրա գազանային բոլոր հակումները կորչում են և դրանց փոխարէն երևան են գալիս հոգու բոլոր լաւ կողմերը:

Ինչպիսի՞ շնորհակալութեամբ է ընդունում նոյնիսկ ամենափոքրիկ ինամբ. ինչպէս թանկ է գնահատում ամեն մի փաղաքշանք. այդ ժամանակ նրա հայեացքը կատարեալ հնազանդութիւն ու անձնւիրութիւն է արտայայտում: Բժիշկը դառնում է նրա բարերարը, որին նա մեկնում է իր թաթը, կարծես դարկերակը ցոյց տալու համար: Այս բոլորը տեսնելուց յետոյ չի կարելի կապիկին չսիրել:

## II

Կապիկներինց ամենից աշխոյժը և ուրախը կզակապիկներն են: Խաղերը, վազվզոց, կատակներ, թռչկոտալ, աղմուկ, կռիւ—անանք սովորական ժամանցը: Նրանք ինչէր չեն անում ծառերի վրայ.—թռչկոտում են, աշխատելով մինը միւսին գերազանցել. ծառի բնով վեր ու վայր են անում. մի ոտքի վրայ ձօձում են, կամ թէ չէ պոչով փաթաթուելով ծառի ճղներին՝ հարուածներ է, որ հասցնում են իրար. դաւար ոտտեր ու կաղիններ պոկելով՝ իրար գլխով են տալիս. մի խօսքով մի բոպէ դադար, հանգիստ չունեն: Միայն երեկոյեան, կամ թշնամու երեկացած ժամանակն են մի քիչ դադար առնում:

Կուսակէր են և բացի մարդուց, լէօպարդից ու կոկորդիլոսից ուրիշ ոչնչից չեն վախենում. նոյն իսկ արծիւը, որ հեշտութեամբ կարող է յափշտակել նրանց, կզակապիկներին համար առանձին վտանգ չէ ներկայացնում: Թունաւոր օձերից անգամ չեն վախենում, թէպէտ շատ զգուշութեամբ ու անվստահութեամբ են վերաբերում: Օրինակ. յայտնի է, որ այս կապիկները թռչունների ձագեր ու ձուաներ շատ են սիրում. այդ նրանց ամենահամեղ պատառն է: Հէնց այդ դէպքում, երբ նրանք խոռոչն են տանում իրանց թաթը, որ իմանան ձու կամ ձուգ կայ այնտեղ թէ ոչ, անան հէնց այդ ժամանակ երևան է գալիս նրանց դէպի օձերն ունեցած անվստահութիւնը. կապիկը երբէք իր թաթը միանգամից չի կռիւլ խոռոչը. դեռ մի քանի անգամ կրծկրակի, ուշադրութեամբ ականջ կրնի իմանալու՝ թէ արդեօք այնտեղ ոչինչ չէ շարժում. և ապա թաթը կամաց-կամաց կմեկնի, սակայն միշտ ականջ դնելով ու բացուածքից ներս նայելով որովհետեւ օձերից մի քանիսի կծելու, այն էլ վատ կծելու սովորութիւնը գիտէ:

Կզակապիկներն ապրում են մեծ խմբերով, որոնցից

ամեն մինն անտառում իր որոշ տարածութիւնն ու շրջանն ունի: Խմբերի մէջ դուք միշտ արուեսներ, էգեր ու ձագեր կտեսնէք: Ապրելու համար ընտրում են այն տեղերն, ուր համեղ կեր գտնելն աւելի հեշտ է. ուստի միշտ սիմինդրի ու շաքարեղէգնի ցանքերին, այգիներին ու բանջարանոցներին մօտ են հաստատուում:

Իւրաքանչիւր հասարակութիւն, խումբ իր առաջնորդն ունի:

Ո՞րտեղից են այդ առաջնորդներն, ո՞վ է ընտրում նրանց.—ոչ որ:

Իրենք են, որ շնորհիւ սեփական ընդունակութեան, խելքի, ճարպիկութեան և գլխաւորապէս ուժի, առաջնորդ են դառնում: Այդ բանն ընդհանրապէս այսպէս է կատարւում. առաջնորդի պաշտօն ձեռք բերելու համար մի մահացու մենամարտ, կռիւ է սկսում. ոյժն ու իրաւունքը յաղթողին են մնում և յաղթողին ամենքն են թարկւում են: Իսկ եթէ ջահիլներից մինը մտածէ ոչ թէ ընդդիմանալ, այլ միայն մի փոքր աղատ զգալ ու խրոխտալ, նրան իսկոյն կխաղաղացնեն. վզակօթին մի քանի ապտակ և սուր-սուր ատամներ. և խռովութիւնը կվերջանայ, հանգստութիւնը կը թագաւորէ ու ամենքն իրենց խաղաղ ու սովորական կեանքին կնւիրեն՝ միանգամայն հնազանդ առաջնորդին. սրան շողոքորթում ու աշխատում են հաճոյանալ, մանաւանդ էգերը, որոնք մաքրում, փաղաքշում, նոյնիսկ քթում են (վրայի միջատներն են որոնում ու հանում) նրան:

Հասկանալի է, որ ստորադրեալներին կողմից եղած այսպիսի պատիւները արբեցնել, շքեցնել կարող են առաջնորդին. և նա դառնում է հպարտ, մեծամիտ ու վերին աստիճանի ինքնահաւան: Ասենք, այս պատիւները նրան արժան չեն նստում. նա պարտաւոր է շարունակ հոգալ, որ իր հասարակութիւնը միշտ ապահով լինի, նրա ուտեստի ամբարները միշտ լի մնան: Նա պիտի որսի տեղն անի, սպասելի ներք միշտ լի մնան: Նա պիտի որսի տեղն անի, սպասելի վտանգից նախազգուշացնի, թշնամու յարձակումների ժամանակ պաշտպանէ իր համայնքն ու ղեկավարէ ընդհարում-

ները մի խօսքով միշտ հսկէ ու հետեւէ ամեն բանի: Ինչպէս տեսնում էք, այդ պատուաւոր պաշտօնն արժան չէ տրուում պիտի շատ առաւելութիւններ ունենալ, պիտի սեփական գլխի ու ծնոտի ուժով ապացուցել այդ պաշտօնին արժանի լինելը: Պիտի տեսնել թէ ի՞նչ են անում կապիւլիները, երբ նրանց առաջնորդին բրտորդը սպանում է. առաջին բուսկներում ամբողջ հօտը բռնուում է սոսկալի լուսթեամբ. նըրանք շարում են, չգիտեն ի՞նչ անել: Յանկարծ մի չտեսնուած աղմուկ են բարձրացնում, յուսակաւոր ճիշով դէս ու դէն են ընկնում, ուժերը ներածին չափ ձղնից ճիւղն են ընկնում և աշխատում են որքան կարելի է շուտ փախցնել այն խտաստիրա թշնամուն, որ չխնայեց իրենց առաջնորդին: Երբ կապիւլների խումբն այնքան է մեծանում, որ մի առաջնորդը դժուարանում է կառավարել ու նրա պէտքերը հոգալ, այս դէպքում աւելի երիտասարդները բաժանում, նոր առաջնորդ են ընտրում ու նոր խումբ կազմում:

Թէպէտ կապիւլների լեզուն շատ հասարակ է, բայց նրանք շատ լաւ են հասկանում ու գործադրում այդ լեզուն: Իրենց բաղմազան ղգացմունքները նրանք զանազան ձայներով են արտայայտում: Այն առաջնորդը, որ ուժեղ ու ծղրտող ձայն չունի, նա առաջնորդ չէ, նա լաւ մոնչալ պիտի իմանայ, որ իր ստորադրեալներին վերահաս փորձանքից զգուշացնել կարողանայ: Հէնց որ հնչում է առաջնորդի կատաղի ու խլացնող ձայնը, իսկոյն ամեն մէկը մի կողմն է փախչում, իսկ մայրերը՝ ձագերին առած, աշխատում են թագնուել մօտակայ ծառերի մէջ: Ասենք լաւ կոկորդը երգելու էլ է հարկաւորում: Մի տեսակ Ամերիկայի կապիւլներ կան, որոնց մոնչոյ անունն են տալիս. և նրանք միանգամայն արժանի են այդ անւանը. որովհետեւ իրենց զգւելի մոնչոցով անտառի բոլոր կենդանիների կեանքն են թունաւորում: Աստուած ազատի այնպիսի համերգից, ուր 40 այգպիսի մոնչոյներ են մասնակցում, որոնցից իւրաքանչիւրն աշխատում է իր սուր, ուժեղ, վայրենի ու խլացնող ձայնով փայլել: Գլխերին գիպչի իրենց համերգը. բայց ինչ

1956



կասկած, որ մարդկանց ու կենդանիների անտանելի համերգը մեծ բաւականութիւն է պատճառում իրենց՝ մոնչոյներին:

Կերակրի համար եղած արշաւանքների ժամանակ առաջնորդը կապիւլներին հօտին մեծ օգուտ է տալիս.— նրա զգուշութիւնը, նախատեսող ոգին ու սուր ձայնը այդտեղ նոյն դերն են խաղում, ինչ որ զօրապետի մտածւած հրամանները ընդհարումների, կռիւների ժամանակ: Վայ այն զիւղերի բնակիչներին, որոնց շրջակայ անտառներում կապիւլներ կան: Արարներն իզուր չեն ասում թէ. «մենք ցանում, կապիւլները հնձում են»: Արարական շէյխն ի զուր չէ կապիւլներին անասուած անուանում և հաւատացնում, թէ մինչդեռ բոլոր հողեղէնները յարգում, պատում են աստուծոյ առաքեալին, միայն կապիւլներն են, որ արհամարհում են նրան: Ահա այդ իմաստունի ծիծաղելի խօսքերը՝ «Երբ բերքերդ ու ստացւածքդ փղերից ու կապիւլներից ազատելու համար անէ՞ք ես զրում ու կախում դաշտերում, միշտ պիտի համողւած լինիս, որ միայն փիղը կանսայ այդ անէ՞քին. նա արդարասէր կենդանի է. իսկ կապիւլը Աստծոյ բարկութեամբ մարդուց հրէշ դարձած մի արարած է, սա սասանայի սերունդն է»:

Իզուր չէ Բրէմ գիտնականն ասում. «Այդ աւազակներից ոչնչով չի կարելի պաշտպանուել. ոչ փականքով, ոչ ետնափակով, ոչ ցանկապատով և ոչ պատերով. նրանք կարող են փականքը բանալ, պատերից իջնել. ինչ էլ չեն տուում, հեռներն են վերցնում, չխտրելով նոյնիսկ ոսկի ու թանկագին քարեր»:

Չէք ուզիլ արդեօք լսել, թէ ամենաանխիղճ կողոպուտի համար ի՞նչպէս են մի անգամ կապիւլներն արշաւանք գործել զէպի սիմինդրի ցանքերը. դա և՛ ծիծաղելի է, և՛ ցաւալի: Ծիծաղելի մեզ համար, բայց նեղրերի համար, որոնց ցանքերն են ոչնչացողը, դա կատարեալ դժբաղդութիւն է:

Ահա կապիւլների խումբն առաջ է շարժւում զէպի սի-

մինդրի արտերը. անտառում միայն մի թեթև շոուկ ու տերևները խըշոց է լուռւմ. դա առաջնորդն է, որ հանգստացնում է ճղներին վրայով զգուշութեամբ առաջ արշաւող աւազակներին: Նահապետ—առաջնորդը գնում է առջևից. նա շարունակ դիտում է իր շուրջը. երբեմն նոյն իսկ ծառն է բարձրանում, դիտում շրջակայքը և երբ համոզոււմ է թէ ոչ մի վտանգ չկայ, նոյնն ազդարարում է իր հօտին և թշառականների հրոսակախումքն առաջ է շարժում: Էգերը տանում են նաև ձագերին և առաջնորդից խրախուսւած՝ յոգնածութիւն չեն զգում: Վերջապէս վերջին ծառերը—և անս սիմինդրի արտերը: Ծարպիկութեամբ ծառերից ցած գալով, նրանք մեծ-մեծ, բայց վերին աստիճանի զգոյշ ոտախեններով դէպի ցանքերն են ուղղոււմ: Առաջնորդն առջևում է. նա միշտ դիտում ու հանգստացնում է: Սկսում է կողոպուտը: Առաջին գործը լինում է լցնել «այտի ետեի» պարկերը. դա ամենաապահով տեղն է: Անունից նոյն իսկ երևում է, որ իւրաքանչիւր կզակապիկ այտի ետևում պարկ կամ բացւածք է ունենում, որտեղ հարկաւոր ժամանակը ժողոված աւելորդ պաշարն է պահում: Դա թագցնելու ամենից ապահով տեղն է. որովհետև այնտեղից պաշար հանելը ոչ ոքի մտքով չի անցնիլ: Ուրեմն հասկանալի է, թէ ինչո՞ւ են նախ այդ պահետը լցնում: Այնուհետև սկսում են մինը միւսի ետևից պոկել ու համտես անել սիմինդրի հասկերը: Այստեղ արդէն այնքան չեն ուտում ու զողանում, որքան փչացնում են: Հէնց դրա համար է, որ դաշտերի, այգիների ու բանջարանոցների տէրերը նրանց տանել չեն կարողանում: Գողութեան ժամանակ առաջնորդը շարունակ բարձրանում է ետի ոտների վրայ ու դիտում շրջակայքը, իսկ փոքրիկ ձագերը խաղում են այնտեղ, արտից ոչ հեռու (նկ. 8): Ահա առաջնորդը ետին ոտների վրայ կանգնած գլուխը անհանգիստ կերպով շարժեց, զդելի կնճիռները հաւաքեց ու զիւր ձայն արձակեց: Վտանգը քթի տակ է: Էգերն իսկոյն շալակում են իրենց ձագերին, իսկ մնացածները սաստիկ շփոթութեան մէջ միակընթարթում մօտիկ անտառն են թափոււմ. այստեղ է նը-

րանց փրկութիւնը. այստեղ նրանց թագաւորութիւնն է. այստեղ-անտառում նրանք ոչ ոքից և ոչնչից չեն վախենում: Դաշտատէրերն անագին աղմուկ են բարձրացնում: Բայց վտանգն անցած է. մեր կապիկները գոհ արշաւանքի յաջող



Նկար 8.

եւրից մի փոքր հանգստանում և նորից ուղղում են նոյն տեղը՝ կողոպուտի: Ամենից ուշագրաւն այն է, որ կապիկները փախչելիս էլ են ենթարկոււմ իրենց առաջնորդին. այստեղ էլ են իրենց յոյսն ամբողջապէս նրա վրայ դնում, այստեղ էլ են նրա հրամաններին համաձայն մեծացնում ու փոքրացնում իրենց քայլերը. նրանք հաւատացած են, որ նրա արթուն հովանու տակ իրենք ապահով են: Սրանով պիտի բացատրել այս աւազակների այն հանգստութիւնն ու սառնարիւնութիւնը, որով նահանջում են վտանգի ժամանակ:

III

Կարելի է կարծել, թէ կապիկները բնաւորութեամբ վախկոտ են, զրա համար էլ երբէք թշնամու դէմ յանդիման չեն կանգնիր. բայց դա սխալ կլինի.—կապիկներից միայն կզակապիկներն պէս փոքր տեսակներն են, որ սուս ու փուս տեղի են տալիս թշնամուն: Խոշոր տեսակները, ինչպէս օրինակ կարիլան, օրանգը, նոյն իսկ պաւիանը, երկիւղ ու վտանգ ասածը չզիտեն ի՞նչ է: Ասիայի ու Աֆրիկայի բնիկները սարսափում են նրանց աճուկի ատամներից և ուժեղ բազուկներից: Ամենից անվախը գարիլան է: Ոչ միայն մարդը, այլ նաև փիղը, առիւծը, լէօպարդն ու վագրը շատ անգամ են նրանից դաս առել. թշնամու վրայ յարձակելու համար գարիլան ամեն բան ունի: Նոյնը կարելի է ասել օրանգի համար. պտուղներ, քար, փայտի կտորներ—յարձակման ժամանակ նրանց համար սովորական գէնքեր են. պատմում են նոյնիսկ, որ նրանք դազանակներով էլ են պաշտպանւում, որ շատ հմուտ ու վարպետ կերպով բանեցնել գիտեն. բայց սա մի քիչ անհաւանական է: Նեղրները գարիլայի ու կատաղած օրանգուտանի անունը տալուց նոյն իսկ դողում են: Ահա թէ ի՞նչ են պատմում գարիլայի աբաճների մասին այն նեղրները, որոնք գնացած են եղել փիղ որսալու: «Որսորդների խումբն ազատ թափառում է անտառում. յանկարծ նրանցից մինը գեանից կտրւում ու բարձրանում է.—դա ցածի ճղնից կախ ընկած գարիլան է, որ ետին ոտներով բռնելով մարդու պարանոցից, դէպ ինքն է քաշում. այդտեղից նա իր գոհի հետ միասին դէպի ծառի կատարն է բարձրանում, շարունակ սղմելով նրան, որ միանգամայն անպաշտպան է և նոյն իսկ օգնութիւն կանչելու հնարաւորութիւնից զրկւած. վերջապէս այնտեղից յանկարծ բաց է թողնում նրան. մարդն ընկնում է. նա խեղդւած, նա

մեռած է»: Նոյն իսկ զինւած մարդու կռիւը գարիլայի հետ չափազանց վտանգաւոր է և շատ անգամ կապիկի յաղթութեամբ է վերջանում. Ասուած չանէ, եթէ յանկարծ գնդակը վրիպէ կամ միայն վիրաւորէ կապիկին. նա իսկոյն կընկնի որսորդի վրայ, ձեռքից հրացանը կխլէ, կձուռնէ, ու իր հոժկու ձեռքի մի հարւածով կճգմի մարդու կուրծքը կամ գանգը: Ահա մի այլ օրինակ, որ ցոյց է տալիս, թէ կապիկներն ինչպիսի՞ քաջութեամբ պաշտպանել գիտեն թշնամուց:

Մի անգամ մի կապիկ հօտից բաժանելով, մտնում է զօրանոց ու մի զինւորի զգեստ է գողանում: Շիպպ սպան, որ պատմում էր այս տարօրինակ դէպքի մասին, մի քանի զինւոր է հանում, որ հասնեն յանդուգն գողին ու խլեն գողացած իրերը. մինչ այդ, կապիկն արդէն միացել էր իր խմբին: Զինւորներն աշխատում են զինւորական կարգով փակել այն այրի մուտքն, ուր կապիկները սովորութիւն ունէին թշնամուց պահելու: Կապիկները զինւորներին տեսնելուն պէս խմբերի են բաժանւում. մի մասը բռնում է այրի մուտքն, իսկ միւսը կանգնում ու սպասում է թշնամուն. շատերը քարեր են հաւաքում. առաջնորդն ամենից շատ էր դէս ու դէն ընկնում և շարունակ բարկացած վնթիւնթում էր. թւում էր, թէ ինչ որ հրամաններ էր տալիս: Զինւորները յարձակում են գործում. բայց այստեղ առաջնորդի տւած նշանով զինւորների վրայ քարերի այնպիսի տարափ է տեղում, որ նրանք ստիպւած են լինում հրաժարել թէ՛ կռիւից, թէ՛ գողացւած իրերից: Հետաքրքիր է իմանալ, թէ կապիկներն իրար ի՞նչպէս են վերաբերւում. օրինակ—ի՞նչպէս են վերաբերւում արուններն էգերին:

Ամենից առաջ պիտի ասել, որ միեւնոյն ցեղի կապիկներն ազատ ժամանակ իրար հետ բաւական հաշտ են ապրում, իսկ ուրիշ ցեղի կապիկների բոլորովին չեն սիրում. իսկ գերութեան մէջ ընդհակառակը՝ նոյն իսկ նրանց հետ բաւական հաշտ և սիրով են ապրում: Մի քանի գիտնականներ ու ճանապարհորդներ այս մասին շատ հետաքրքիր բաներ են պատմում. այսպէս. մի կապիտան իր նաւի վրայ

տարբեր ցեղերի պատկանող մի քանի կապիկներ է ունենում. նրանցից մինը շատ փոքրիկ ու զւարճացնող էր. սա բռնակուլուց մի քանի օր յետոյ հիւանդացաւ. մնացած կապիկներն սկսեցին նրան խնամելու հերթն իրարից խլել. հիւանդին լաւ պահած լինելու համար նոյն իսկ իրար հետ կուռում էին. հիւանդի ցաւերը մեղմացնելու և գոնէ փոքր չափով հանգստացնելու համար նրանք ամեն բան անում էին.— խոհարարից գողանում ու նրա համար քաղցրաւենիներ էին բերում, գրկած ման էին ածում, գուրգուրում, իրենց կըրծքին էին սեղմում և նոյն իսկ նրա ցաւերը տեսնելիս լաց էին լինում:

Մի անգամ էլ մի ուրիշ բան պատահեց.

Մասերի բաժանւած մի մեծ վանդակում մի քանի կապիկներ կային. դրանիցից մինը հարևանի բաժնում ընկոյզ տեսաւ և մտածեց այնպէս գողանալ, որ հարևանն այդ չիմանայ, բայց հէնց նոր էր թաթը ներս մեկնել, որ ընկոյզի տէրը բռնեց ու կծեց այդ թաթը, կապիկը ճչաց, պահապանը վրայ հասաւ, խփեց վիրաւորողին ու հնարաւորութիւն տւաւ միւսին ազատելու իր թաթն այդ անսպասելի փորձանքից: Փոքրիկ գողը ցաւից սկսեց հառաչել, թաթը կըրծքին սեղմել ու վազվզել վանդակի մէջ: Մի քանի րոպէից յետոյ առաստաղի կողմից ցած իջաւ մի ուրիշ կապիկ, որ մօտենալով, գրկեց ու սկսեց փայփայել նրան. նա քթի տակ ինչ որ փնթփնթում էր. կարծես մխիթարում ու հանգստացնում էր խեղճին. իսկ վերջինս երեսը դրաւ նրա կրծքին և, յիրաւի, կարճ ժամանակից յետոյ հանգստացաւ ու ախ ու վախը դադարեց:

Ահա մի ուրիշ պատմութիւն, որ ցոյց է տալիս թէ՛ առաջնորդը ինչպիսի ջերմութեամբ վերաբերւել գիտէ դէպի իր ընկերները:

Մի որսորդ անտառում կապիկներ ձի խմբի պատահեց. նա էգերից մէկին սպանեց ու գցեց իր վրանը, որ այդտեղից շատ հեռու չէր: Մի փոքր անցնելուց յետոյ, որսորդը գուրս եկաւ և տեսաւ 40—50 կապիկներ, որոնք կատաղած

փնթփնթում էին, կարծես յարձակման էին պատրաստում. սա անտառում պատահած խուճին էր: Որսորդն ազատելու համար դուրս բերաւ հրացանը, որից նրանք վախեցան ու փախան: Միայն առաջնորդը չվախեցաւ. նա շարունակեց մնալ իր տեղում, գոռգոռաց, դէմքը զգւելի կերպով ծռռեց և սկսեց կատաղութեամբ ատամները կըձտացնել, այսպէս շարունակ մի քանի րոպէ: Որսորդը չգիտէր նրա ուզածը: Առաջնորդը տեսնելով, որ իրեն չեն հասկանում, աւելի մօտեցաւ վրանին ու սկսեց թաթը պաղատազին շարժել, կարծես ուզում էր որսորդին իր խնդիրը հասկացնել: Վերջապէս որսորդը զլխի ընկաւ, սպանւածին դուրս բերաւ, տւաւ նրան: Առաջնորդը վերցրեց դիակն ու գնաց իր ընկերներ ձօտ, որոնք հեռւում սպասում էին:

Միևնոյն ցեղին պատկանող կապիկներն իրար հետ շատ հաշտ են ապրում, չնայելով որ կուարար ու աղմկասէր լինելով, իրար շարունակ ապտակում, հարձածում, աքացիում են. բայց այս բոլորը միայն կատակներ են. հէնց այնպէս, տրամադրութիւնից առաջ եկած. դրանք մի տեսակ խողեր ու մարզանքներ են. բայց հէնց որ հերթը թշնամուց իրար պաշտպանելուն է հասնում, ինչպէս տեսաք, անսովոր անձնւորութիւն են ցոյց տալիս. մինը միւսի համար սարի պէս շարունակ են ցոյց տալիս. մինը միւսի համար սարի պէս կանգնում ու ոչ մի վիրաւորանք չէ թոյլ տալիս: Նրանք իրար շատ անգամ փաղաքշում, փայփայում էլ են: Արժէ ըրար շատ անգամ փաղաքշում, փայփայում էլ են: Արժէ տեսնել թէ նրանք ինչպէս են իրար վրայից միջատներ ժողովում, մինը միւսին փշերից ու կոծոծներից մաքրում: Այս բոլորը պիտի տեսնել համոզելու համար, որ նրանք ոչ միայն հաւատարիմ ընկերներ, այլ և շատ զգայուն բարեկամներ էլ են: Միայն մի պատճառ կայ, որ կարող է արուններին իրար հետ թշնամացնել. դա էգերի ուշադրութիւնն ու փաղաքշանքը ձեռք բերելու համար եղած վէճերն են: Ի դէպ մի քանի խօսք էգերի մասին: Սրանք կատարելապէս արուններին են ենթարկւում ու նրանցից կախում ունեն. խմբերով ապրող ցեղերում էգերի կատարելալ տէր առաջնորդն է հանդիսանում: Առաջնորդը վերին աստիճանի խանդոտ է և

այդ ասպարիզում մրցակից չէ կարողանում տանել, իսկ կանանց հետ սիրի-բիրի անող ջահիլներին կատարելապէս խելքի է բերում իր անուշի ատամներով: Այն դէպքում, երբ կապիկներն առանձին ընտանիքներով են ապրում, կանանց դուրսիցն անհամեմատ լաւ է. ճիշտ է, էգի հետ կենակցելու իրաւունքը կուր մէջ յազթողին է մնում և ոչ գեղեցկուհու ընտրածին, բայց առաջինի օրինաւոր կինը դառնալուց յետոյ, էգը վայելում է իր հաւատարիմ ամուսնու խնամքն ու պաշտպանութիւնը: Նա է նրա պաշտպանը վտանգի ժամանակ և մխիթարողը ցաւի ու տխրութեան րոպէներին: Որպէս զի պարզ լինի, թէ կապիկները բնութիւնից որքան զգայուն են, ես կպատմեմ թէ նրանք ինչպէս են խնամում իրենց ձագերին:

Կապիկն ընդհանրապէս ծնում է մէկ, երբեմն էլ երկու ձագ. այդ ձագից աւելի այլանդակ բան երևակայել դժւար է. դէմքը կնճիռներով ու ծալքերով ծածկւած մի կատարեալ հրէշ. բայց, տեսէք, թէ մայրն ինչպէս է սիրում. ուղղակի ուրախութիւնից գժուում է. էլ լիզ տալուն ու փաղաքշանքին վերջ չկայ. նրա խնամքը շատ անգամ ծիծաղի է համուում. և ինչպէս չծիծաղել, օրինակ, հէնց այսպիսի մի տեսարանի առաջ. ձագը գրկում նստած է մայրը. նրան լպստում, կրծքին է սեղմում, վեր-վեր է դցում, քթում է, վերջապէս օրորում է: Կամ մի այլ տեսարան. ձագը քնած է, իսկ մայրը նրան անհանգստացնող միջաններն է բշտում: Չագն ապրում է մօր հետ. նա առաջի օտներով մօր վզին փաթաթւած, իսկ յետիններով կողքերին կպած, կախ է ընկնում մօր փորից ու այդ գիրքով ծիծ է ուտում: Երբ մի փոքր մեծանում է, հետզհետէ ինքնուրոյնութեան է սովորում. բայց այս դէպքում էլ մայրը նրան իր աչքի լոյսի պէս է պահում և վտանգ պատահած ժամանակ ինքն է շտապում նրան թոցնել, եթէ ձագը չի շտապում մօր շալակը բարձրանալ: Չագի անհնազանգութիւնը խիստ պատժում է. և շտորհիւ այդ հանգամանքի, երեխաները միշտ հնազանդ են իրինց մօրը:

Մի բանի ճանապարհորդներ գիբբօների կեանքից շատ


հետաքրքիր դէպքեր են պատմում. նրանք պատմում են թէ ինչպէս «մայրերը ձագերին ջուրը տանելով, չնայելով վերջիններիս ճրճուցին, այնպէս մաքուր լողացնում են, որ մեր երեխաներից շատերը կնախանձէին այդ մաքրութեանը»: Թշնամու յարձակման ժամանակ ծնողների անձուրութիւնը սահման չունի. եթէ ձագը վիրաւորւեց, մայրը նրան երբէք չի թողիլ. կամ ինքն էլ կմեռնի, կամ, եթէ կարողացաւ, իր աչքի լոյսին էլ կվերցնի ու դէպի մօտակայ թփերը վազելով, կաշխատի իր դիտեցածին չափ օդնել նրան: Ահա գարիլաների կեանքից ասածս ապացուցող մի օրինակ (նկար 9):

Մէկ անգամ որսորդները մի ընտանիքի վրայ յարձակւեցին. դա կազմւած էր մօրից և 2 ձագերից. մայրը ձագերից մինին ծառը հանեց, իսկ միւսն անշուշտ որսորդի ձեռքը կընկնէր, եթէ մայրը չլինէր, որ վազեց, նրանց գրկից ու մայրական կատաղութեամբ որսորդների վրայ յարձակւեց. որսորդները հրացանները նշանի բռնեցին: Զգալով մօտահաս վտանգը, մայրը կանգ առաւ, ձեռքերը բարձրացրեց — կարծես աղաչում էր խնայել, կամ փորձում էր ճակատագրական հարւածից պաշտպանել. բայց գնդակը պատուեց մայրական կուրծքը և միայն այդ ժամանակ որսորդները տիրացան ձագին: Ահա ճանապարհորդի պատմածը, իսկ այսպիսի պատմութիւններ որքան կուզէք: Անազատ ժամանակ մայրն իր ձագի հետ աւելի է կապում: Տեսնել այդ նոզսն ու խնամքը, տեսնել թէ ինչպէս է անձուէր մայրը ամեն մի պատառ բաժանում իր ձագուկի հետ և խորին յարգանք չզգալ դէպի մայր-կապիկի սրտում բոբրոբոտ սէրը, անկարելի է: Ուրիշ ի՞նչ կուզէիք.— երբ ձագը մեռնում է, շատ անգամ մայրն այդ ցաւը չտանելով, ինքն էլ է մեռնում:

#### IV

Առհասարակ շատ հետաքրքիր է այն, որ ցոյց են տալիս կապիկները դէպի իրանց որդիներին ու միւս կենդան

նինները: Ամենից առաջ կենդանի յիշել, որ կապիկներին ուսուսումնասիրելը, երբ նրանք ազատ են, շատ դժուար է, դրա համար էլ նրանց կեանքի ամենահետաքրքիր դեպքերը պատճառում են այն զիտնականները, որոնք նրանց ուսուսումնասիրել



Նկար 9. Գիբբոն.

են այդ ազատութիւնից զրկած ժամանակը: Այժմ լսէք: Օրանգ-ուտանի մինը երկու կատուի ձագ էր սիրում. միշտ նրանց հետ էր և խնամում էր նրանց, երբեմն գլխին էր դնում, երբեմն կոնատակն առնում: Քիչ չէր պատահում,


երբ փոքրիկ զազանները անխիղճ կերպով չանգոելով նրան, ցաւ էին պատճառում, բայց օրանգը չէր յուսահատում. նա այդ վտանգը հեռացնելու համար լաւ քննեց իր սանիկներին և ուղեց նրանց եղունգները քաշել, այդ նրան չըյաջողուեց: Այնուամենայնիւ նա շարունակեց սիրել, նրա համար այդ ցաւեր տանելը աւելի հեշտ էր, քան նրանց ընկերութիւնից զրկելը:

Մի ուրիշ կապիկ, որին շոգենաւով տանում էին, սերտ կապ հաստատեց նոյն շոգենաւով գնացող մի նեզը աղջկայ հետ: Նաւաստիները ծիծաղից թուլանում էին, երբ տեսնում էին թէ՛ ինչպէս նա աղջկանը նստեցնելով տախտակամածի վրայ, պաքսիմատ էր տալիս, մի բան, որ ինքն էլ պակաս ախորժակով չէր խժռում:

Բայց այս բոլորը ոչինչ են այն պատմութիւնների առաջ, որ առաջ է բերում Բրէմն, իր կապիկների կեանքից: Կօկօ, Հասսան, Պէրրօ և Ատիլիա—անա այն փոքրիկ հերոսների անունները, որոնք նրան այնքան բաւականութիւն են պատճառել. ասե՛նք իրենց անսպասելի շարութիւններով նոյնքան և անբաւականութիւն: Կօկօն և Հասսանը կզակապիկներ էին, իսկ Պէրրօն և Ատիլիան իսկական պաւիաններ: Սրանք բոլորն էլ ազատութիւնից զրկւած էին և իրենց տիրոջ բարեկամութիւնից ոչ մի բաւականութիւն չէին զգում, դրա համար բուռն կերպով աշխատում էին կենդանիներէրից իրենց համար հաւատարիմ բարեկամներ, որդեգիրներ ու զոնէ ժամանցի ընկերներ ձեռք բերել: Բայց այդ բանը բոլորին չաջողեց. իրենք էին մեղաւոր. կուարար ու անհաստատ բնաւորութեան տէր լինելով, նրանք զրկւում էին լաւ բարեկամներից և ուրախ խօսակիցներից. օրինակ Պէրրօն բոլոր կենդանիների հետ բարեկամ էր, բացի Չայլամից, որին ընաւ տանել չէր կարողանում և շարունակ աշխատում էր վիրաւորել նրան. ինչո՞ւ, գիտէ՞ք—որովհետեւ Չայլամն ինքը նրան շատ էր շարջարում, կտցահարում էր հէնց այնպէս, առանց պատճառի, իր յիմարութիւնից, որովհետեւ կապիկը երկար պոչ ունէր:



Մի անգամ Պէրրօին (նկար 10) մի շատ հետաքրքիր գէպը պատահեց. նա իր տիրոջ հետ Փուրգօնով մի ուրիշ քաղաք էր գնում. քաղաքի մուտքի մօտ նա մի նոր ցնգնած շուն տեսաւ՝ իր լակոտների հետ միասին. իսկոյն ցած թը-



Նկ. 10. Պալիաններ.

աւ Փուրգօնից, շան լակոտներից մինին վերցրեց և ուզեց փախցնել. բայց կատաղած շունը վրայ պրծաւ և կերևի կապիկը չէր ազատուիլ նրա սուր առամներից, եթէ չլինէր Փուրգօնի տէրը, որին դիւր էր եկել Պէրրօի վարձունքը— նա ոչ միայն հալածեց շանը, այլ և լակոտը Պէրրօի մօտ

թողեց: Այդ լակոտը նրա սիրելին դարձաւ. բայց ձեռքիցը շուտով խլեցին, որովհետև Պէրրօն շատ սիրելուց ոչ միայն ինքը ուտելու չէր տալիս նրան, այլ և խլում էր այն կերակուրը, ինչ որ շան համար էր արւում: Աւելի ծիծաղելի էր էգ պաւիան Ատիլիայի և կզակապիկ Հասսանի բարեկամութիւնը: Ատիլիան առհասարակ շան ու կատուի ձագերից որդեգիր ունենալը սիրում էր: Կատուիկների ճիրանների հետ նա աւելի լաւ հաշիւ էր տեսնում, քան մեր յիշած օրանգուտանը. նա կրծում էր այդ եղունգները: Բայց և այնպէս նրա գլխաւոր սիրելին Հասսանն էր. ասե՛նք Հասսանն էլ իր կողմից շատ կապւած էր Ատիլիայի հետ: Նա թոյլ էր տալիս, որ Ատիլիան իրեն իբրև երեխայի խնամէ, երեխայի պէս հնազանդուում ու տանում էր նրա բոլոր յիմար քմահաճոյքը. Ատիլիան էլ, իբր վարձատրութիւն, իր փայփայանքը, փաղաքշանքն ու խնամքն էր շնայում.— գրկում, ման էր ածում, օրօրում, մաքրում էր և այլն: Բայց ամենից ծիծաղաշարժը նրանց ընելն էր: Հասսանը պարկուճ էր Ատիլիայի թևերի վրայ, ամուր գրկում էր նրան, և այդպէս խոր քուն էին քաշում: Պէտք է ասած, որ Հասսանի սէրն աւելի զօրեղ էր, քան Ատիլիայինը: Հասսանն ամեն տեղ յետևում էր Ատիլիային, առանց նրան մի քայլ չէր անում, բերնի պատառը նրա հետ կիսում էր, և նոյն իսկ անարտունջ տանում էր այն հարւածներն ու քոթակը, որ յաճախ Ատիլիան հասցնում էր նրան: Բաւական էր, որ խեղճ Հասսանը բերանը մի բան դնէր առանց Ատիլիայի բաժին հանելու, իսկոյն անկարգ պաւիանը վրայ կընկնէր, ինչպէս ատում են բերանը կմտնէր, պատառը կհանէր, վերջումն էլ կթակէր ու կանապատուէր խեղճին: Այս երկու գէպերն էլ ցոյց են տալիս, որ աշխոյժ կզակապիկներն աւելի ուժեղ սիրել գիտեն և իրենց բարեկամների հետ աւելի անկեղծ կերպով են կապւում, քան թէ չար ու հոտած պաւիանները: Այդ կողմից հրաշալի օրինակ կարող է լինել Բրէմի Կօկօ անունով փոքրիկ կզակապիկը:

Կօկօն իր ազատութիւնը կորցնելուց յետոյ, մարդկանց

վրայ շատ խեթ աչքով էր նայում. իսկ կենդանիների հետ, ընդհակառակը, շատ շուտ մտերմացաւ: Ամենից շուտ նա բարեկամացաւ մի յիմար, բայց բաւական բարի թռչունի հետ, որ նոյն անտառներիցն էր, որտեղից Կօկօն էին բերել: Ինչպէս երևում էր, թռչունների այս տեսակը նրան դեռ անտառներից ծանօթ էր. ամբողջ օրերով քաշ էր գալիս նրա հետ և, պիտի ասած, թռչունն էլ նրա բոլոր յիմարութիւններն ու չարութիւնները սիրով էր տանում: Օրինակ, թռչունի փետուրների մէջ միջատ որոնելուց էլ ծիծաղելի բան. այն ինչ Կօկօն առանձին բաւականութեամբ էր նւիրում այդ գործին. թռչունն էլ ոչ միայն չէր ընդդիմանում, այլ դիտմամբ մօտենում, թևերը փոռւմ էր, կարծես խնդրելով, որ Կօկօն քթէ իրեն: Մի խօսքով, նրանք շատ բարեկամաբար էին ապրում: Վերջապէս թռչունը սատկեց: Առանց բարեկամի Կօկօն շատ ախուր էր. սկսեց նորերը որոնել. փորձեց կատուի ձագերի հետ բարեկամանալ, բայց դրանք չբարեհաճեցին. ինչ արած. մնում էր սպասել ու կարօտել: Վերջապէս ցանկալի բարեկամը գտնւեց: Կօկօն այս անգամ մի փոքրիկ կապիկ որդեգրեց. նրա ուրախութիւնն անսահման էր: Բայց աւելի լաւ է թող Բրէյն ինքը պատմէ որդեգրելու, սերտ ու անկեղծ բարեկամութեան այս հետաքրքիր դէպքը. անհ նրա խօսքերը. «Փոքրիկին տեսնելով, նա (Կօկօն) շատ ուրախացաւ. և թաթը դէպի նա մեկնեց. մենք փոքրիկին բաց թողինք թէ չէ, իսկոյն Կօկօն մօտ վազեց. Կօկօն իր փայփայանքով քիչ էր մնում խեղդէր խեղճին.— ամուր սեղմեց, ուրախ-ուրախ մըթմըթաց և իսկոյն սկսեց մորթին մաքրելու գործը. բոլոր փշերն ու կոծոծները պոկոտեց, առաջ եկան նոր գրկախառնութիւններ ու սիրող սրտի նոր ապացոյցներ: Եթէ մինը փորձում էր վերցնել նրա որդեգրին, այդ դէպքում նա կատաղում, տըխրում ու անհանդստանում էր, կարծես հարազատին կորցրած լինէր: Նա այդ որբի համար կատարեալ մայր դարձաւ: Որդեգիրն էլ նւիրեց իր բարերարին և ըստ ամենայնի լսում էր նրան: Չը նայելով այդ խնամքին, դժբաղդաբար մի քա-

նի շարթից յետոյ փոքրիկ որբիկը մեռաւ»: Այս կենդանի պատմածքին ոչինչ չունեմ աւելացնելու. մնում է միայն վերջակէտ դնել և անցնել յաջորդ գլխին:

### V

Այժմ խօսենք մի քանի մարդանման կապիկների—գալիլայի, շիմպանզէի, և օրանդ-ուտանի մասին. սկսենք առաջինից: Ուժեղ, թիկնաւէտ իրանի վրայ նստած է նրա զըլուխը նեղլիկ, թեր ճակատով, զգզլած մազերով, տափակ քթով, հաստ շրթունքներով և համեմատաբար փոքրիկ ալանջներով: Նրա մարմինը ծածկուած է կոկ, երկար ու խիտ մազերով. երեսի կաշին, սկսած յօնքերից մինչև կզակը բոլորովին լերկ է. այդպէս է նաև ալանջների, ձեռքերի ու ոտների թաթերի կաշին: Գարիլայի ծնոտները զարգացած են. դրանց վրայ նստած են նրա խոշոր ու սուբ առամսերը, որոնցից աւելի ահուլին մեծ-մեծ ժանիքներն են: Այդ ժանիքները նման են առիւծի, վագրի, գայլի ժանիքներին: Այս կենդանու ուժեղ, ջլոտ, և բաւական կանոնաւոր զարգացած ձեռն ու ոտը, հարթ ու սև երեսը, խոշոր, թուխ ու խելօք աչքերը գարիլային շատ են նմանեցնում մարդուն, աւելի ճիշտ սեւամորթ վայրենի նեգրին (նկ. 11): Գարիլայն ապրում է խիտ անտառում, թէպէտ իր ժամանակի մեծ մասն անց է կացնում ոչ թէ ծառերի, այլ գետնի վրայ. ծառ բարձրանում է միայն պտուղներ քաղելու ժամանակ. նա իր նման գարիլայների հետ ժամանակ անցկացնել չէ սիրում. աւելի նախապատուութիւն ընտանեկան առանձնացած կեանքին է տալիս: Դրա համար էլ նրան միշտ կարելի է տեսնել անտառում կամ բոլորովին մենակ, կամ էգի ու ձագի հետ: Յերեկը բաւական ման գալուց յետոյ, գիշերը ծառն է բարձրանում ու այնտեղ ընտանիքով գիշերում. նա իր էգի համար շատ է հոգում, մանաւանդ երբ նա յղի է:

Այդ ժամանակ արուն չոր ճղներից խճիթ է շինում, ուր էզը մինչև ծնունդն ապրում է: Բայց հէնց որ էզը մի փոքր կազդուրւում է, թողնում է իր բնակարանն ու միանում արուին, որն այժմ ստիպւում է ոչ միայն էզին պահպանել,



Նկար 11 Գարիլա.

այլ և իր անպաշտպան ճագուղիին: Գարիլլան շատ ուժեղ է, քաջ ու բարկացկոտ. բայց նա մարդու ետևից երբէք չի ընկնիլ, եթէ վերջինս չբարկացնէ նրան: Իսկ եթէ մի փոքր բարկացրնց, այն ժամանակ Աստուած ազատէ նա ետի ոտների վրայ կանգնում, ատամները կըրճտացնում, կատարար մռնչում և բուռնցքով կուրծքը ձեծում է: Այստեղ հետաքրքիրն այն է,

որ գարիլլան իր կուրծքը ձեծում է ոչ միայն կատաղութիւնից, այլ որովհետև այդ նրան բաւականութիւն է պատճառում: Առհասարակ նա իր ուրախութիւնն ու բաւականութիւնն արտայայտում է կամ ծափ տալով կամ ինչ որ վայրենի պարով. որի ժամանակ միևնոյն տեղում կանգնած անձոնի պտոյտներ է անում ու ծիծաղելի գլխոնծիներ է տալիս:

Մեր երկրում գարիլլան երկար չէ ապրում. այստեղ նրա համար շատ ցուրտ է. ուրեմն հասկանալի է, թէ ինչու հէնց որ գարիլլան Եւրոպայ է ընկնում, աշխատում են ամեն կերպ պահպանել նրան, որպէս զի հնար լինի երկար ապրեցնել և նիստ ու կացն ուսումնասիրել: Մի գարիլլայ ընկել էր Բերլինի կենդանաբանական այգին: Տեսուչը նրան լաւ էր պահում և զիտէր նրա բոլոր սովորութիւնները. անհամար թէ ինչ է պատմում նա իր գարիլլայի մասին:

Նա մօտ 2 տարեկան էր, իսկ հասակով համարեա 3 ֆուտ. սիրով լինում էր հասարակութեան մէջ, տարբերում էր մեծին ու փոքրին, կանանց ու տղամարդկանց. 2—3 տարեկան երեխաներին շատ քնքոյշ էր վերաբերում, բաւականութեամբ համբուրում և թոյլ էր տալիս, որ իրեն ինչ ուզում են անեն: Իսկ մեծերի հետ նա վատ էր վարւում. չնայելով, որ նրանց հետ էլ էր խաղում սիրով, ետևներիցն էր ընկնում, որի ժամանակ սեղան-աթոռները անզգուշութեամբ շրջում, իրար գլխով էր տալիս, սակայն նոյն այդ խաղի ժամանակ նրանց ոտը բռնելուց ու իր սուր ատամների ուժը նրա վրայ փորձելուց ամենևին չէր քաշւում: Բնաւորութեամբ մարդուն նման լինելով, նրա պէս էլ ապրում էր: Առաւօտեան ժամի 8-ին անկողնից վեր էր կենում, տեղերում ուղիղ նստում, յօրանջում, մարմինը քորում, և այնքան էր սպասում, մինչև որ կաթն էին տալիս, որ սովորաբար բաժակով էր խմում: Այդ ժամանակ բոլորովին թարմացած, թողնում էր անկողինը, պատուհանից դուրս էր նայում, ծափ էր տալիս ու սկսում էր խաղալ պահապանի հետ: Ժամի 9-ին երեսը լւանում էին. այդ նրան շատ էր դիւր գալիս: Իր պահապանի մշտական ընկերը լինելով, նրա հետ էլ ուտում էր: Նա ոչ մի բանից չէր զզւում և պահապանի կերածն ինքն էլ էր ուտում: Ծառից յետոյ հանգստանալ սիրում էր. 1—1½ ժամ ընելուց յետոյ վեր էր կենում և նորից պատրաստ էր խաղալու: Երեկոյեան ժամի 9-ին գնում էր քնելու. դռակի վրայ պարկում ու վերմակով փաթաթւում էր. պահապանը, մօտը նստում էր, մինչև նրա քը-

նելը, որ շնորհիւ նրա սաստիկ քնկոտութեան, շատ էլ չէր ուշանում: Շատ սիրում էր քնել իր պահապանի հետ նոյն մահճակալի վրայ. նա պահապանին գրկում ու գլուխը վրան էր դնում: Շատ խոր քնել գիտէր և ժամի 8-ից շուտ չէր արթնանում:

Միւս մարդանման կապիկը—շիմպանզէն, աւելի հսնգարտ ու համեստ է, քան գարիլլան. այդ երևում է նրա դէմքից, որ աւելի է նման մարդու դէմքին. ճակատն այնքան փոքր չէ, որքան գարիլլայինն էր, իսկ աչքերն աւելի պարզ ու բարի արտայայտութիւն ունեն: Շիմպանզէի բիթըն ու շրթունքները բաւական հաստ են. մազերը կզակի վրայ կարճ են ու սպիտակ, իսկ մարմնի վրայ սև ու գանգուր. բաւական երկար են ծոծրակի, մէջքի ու թիկունքի մազերը, իսկ գլխինը կանոնաւոր կերպով երկու մասի է բաժանւած: Իրանը տակառի է նման—թիկունքը լայն, կուրծքը նոյնպէս սակայն աւելի նեղ քան փորը: Չեռքերն այնքան երկար են, որ ծնկներից էլ ցած են իջնում. ուժեղ են, թէպէտ աւելի թոյլ, քան թէ գարիլլայինը:

Շիմպանզէն, ինպէս և գարիլլան, ընդհանրապէս անտառումն է ապրում, այլ էլ միայնակ. նրանցից 8—10 հատին հազիւ կարելի է միասին պատահել: Իր ընտանիքի համար նա բուն է հիւսում բարձր ծառերի վրայ: Չէ կարելի ասել, թէ նա առանձնապէս գնահատում է այդ բնակարանը. եթէ մօտ տեղերում հարկաւոր քանակութեամբ կեր չգտաւ, նա իսկոյն կթողնի և աւելի յարմար տեղ կորոնի: Ընդհանրապէս մի ծառի վրայ մէկ ընտանիք է բուն դնում. ասենք ճանապարհորդները մի ծառի վրայ 2—3 բուն էլ են տեսել, բայց դա շատ հազադէպ երևոյթ է:

Մարդու մօտ ընկնելուց յետոյ, շիմպանզէն շատ շուտ է ընտելանում ու կապում իր տիրոջ հետ. անն հէնց այստեղ էլ երևան է գալիս նրա ուսանելի, բարի բնաւորութիւնն ու մեծ ընդունակութիւնը: Մարդու իւրաքանչիւր հրամանը նա սիրով է լսում ու կատարում, եթէ միայն դա անմիտ չէ: Երեխաներ սիրում է ու նրանցից չի նեղանում.

ընդհանրապէս ուրախ է և զբաղւող, բայց երբեմն էլ, երբ դիտմամբ չարացնում են, նեղանում և կամակորուժիւններ է անում.—պարկում է յատակին և ձեռքերով ու ոտքերով տուր թէ կտաս, պոկոտում է գլխի մազերը, չանգոտորում է դէմքը: Մարմնամարզական խաղեր շատ է սիրում և ճիշտն ասած այդ բանում բաւական վարպետ է (նկար 12):



Նկ. 12. Շիմպանզէ.

Մարդու մօտ մի բիչ ապրելուց յետոյ, շիմպանզէն նըբանից շատ բան է սովորում.—փայտ է բերում ու վառաբանում դարսում, իր վանդակը սրբում է, լւածքը փռում է, անկողինը գցում ու ժողովում է, գանազան առարկաներ տեղից տեղ է տանում. դունչը սրբում է անձեռոցիկով, պնակով կերակուր է ուտում, երբեմն նոյնիսկ գզալ, դանակ ու պատառաքաղ է զործ ածում, բաժակից խմում է և այլն:

Մի բանից, գոհ եղած ժամանակ ժպտում, նոյն իսկ բարձր ձայնով ծիծաղում է:

Շարժիտ անուռնով մէկը պատմում է թէ ինչպէս էր ծիծաղում շիմպանզէն, երբ ինքը նրան վեր ու վայր էր գցում կամ խուտուտ էր ածում:


Հնդկաչինից հարաւ, ովկիանոսի խոր ջրերում երկու մեծ կղզիներ կան—Սումատրա և Բորնէօ: Այդ կղզիներում, և կարծեմ այլ ևս ոչ մի տեղ, ճահճոտ տեղերում, ուր խիտ անտառներ էլ կան, մի տեսակ մարդանման կապիկ կայ, դա կոչւում է օրանգ-ուտան, որ մեր լեզուով անտառի մարդ է նշանակում:

Օրանգ-ուտանը Աֆրիկայի անտառներում ապրող գարիլլայից և շիմպանզէից տարբերւում է. ամենից առաջ աչքի են ընկնում նրա երկար ձեռները, որոնք քիչ է մնում գետնին հասնեն, երբ նա կանգնում է ետի ոտների վրայ: Գլուխն էլ այնպէս չէ, ինչպէս միւս մարդանման կապիկներին էր. գանգը ձգւած է, դունչը կարծես աւելի առաջ եկած է, իսկ շրթունքները մեծ-մեծ են ու հաստ:

Նրա բունը լայն է, փոքր մեծ ու առաջ եկած. պարանոցը կարճ է և առջևից ծալքեր ունի, որովհետև այդտեղ է նրա կոկորդային մեծ պարկը, որ նայելով օրանգի գոռալու ուժին, մեծանում ու փոքրանում է. բուրդը շէկ-մոխրագոյն է, մէջքի վրայ կարճ ու սևերակ, իսկ կողքերին՝ երկար ու թաւ. գլխի վրայ դէս ու դէն է ցրւած, իսկ երեսին կանոնաւոր ու կոլորակ մօրուքի է նման (նկար 13):

Ինչպէս գարիլլան ու շիմպանզէն, նոյնպէս և օրանգը իր բունը շինում է ծառի ճղներից. այդ գործը նա շատ արագ ու ճարպիկ կերպով է կատարում.— ծառը բարձրանալով կտորտում, իրար վրայ խաչաձև դարսում է այդ ճղները և 15 բոպէ չանցած՝ բունը պատրաստ է, ուր նա կարող է ուղածին պէս տեղաւորուել ու հանգստանալ: Ի նկատի ունեցէք, որ նա ծառից ցած գալ չէ սիրում. միայն ջրի ու կերակրի պակասութիւնը կարող են նրան այդ բանն անել տալ. այլապէս նա իր ժամանակի մեծ մասն անց է կաց-

նում ծառերի վրայ, ուր նոյնքան լաւ է վազվզում, որքան միւս կենդանիները գետնին: Երբ ստիպւում է ցած գալ, այդ դէպքումն էլ 4 ոտի վրայ է ման գալիս. ետի ոտների վրայ երբեմն է բարձրանում, այն էլ այն դէպքում, երբ յարձակւում են վրան և լուրջ կերպով պիտի պաշտպանուի: Բնաւորութեամբ քիչ է տարբերւում միւս մարդանմաններից.



Նկար 13. Օրանգ-ուտան.

բայց և այնպէս մի քանի օրանգուտանների բնաւորութեան մասին կիսօսենք, միայն մի փոքր յետոյ:

Այժմ հարկաւոր եմ համարում ասել.— թէ գարիլլան, թէ շիմպանզէն, թէ օրանգ-ուտանը պոչ չեն ունենում. ուրեմն դոքա անպոչ կապիկներ են:

### VI

Բաւական է միայն նայել կապիկի շարժուն և շարունակ ծոմուող գէւքին, և հաստատ կարելի է ասել, որ կապիկները մեծ խելք ու ընդունակութիւններ ունեն: Աւելցրէք լաւ յիշողութիւնը և նմանելու, «կապիկութիւն անելու» անյաղթելի պահանջը և դժւար չի լինիլ հասկանալ այն զարմանալի պատմութիւնները, որոնց մէջ փայլում են կապիկների աննման կարողութիւնները: Ինչից սկսենք. կուզէք հէնց այնտեղից, թէ կապիկն ինչ բանի կարող է վարժուել: Երբէք չէք տեսել թէ ինչպէս կապիկը շոտլանդական պոնիի վրայ նստած թռչում և այ՛ պիտի շարժումներ է անում, որ ցիրկի մի լաւ ձիաւոր կարող էր անել: Ո՛չ, չէ՞ք տեսել. ես գոնէ տեսել ու ծիծաղից թուլացել եմ: Գոնէ չէ՞ք տեսել թէ ինչպէս կզակապիկը՝ խոհարարի հագուստում, գոգնոցը կապած, սպիտակ թասակը գլխին, ծառայում է ճաշող փղին. այդ աւելի ծիծաղելի է: Կապիկը որքան ջահիլ է, այնքան աւելի խելօք է. ծերութեան օրերում ընդհանրապէս աւելի է յիմարանում ու չարանում: Այդ կողմից ջահիլ շիմպանզէներն ու օրանգները աւելի հետաքրքիր են: Գրանց մասին այնպիսի բաներ են պատմում, որ անկարելի կլինէր հաւատար, եթէ այդ պատմողներն ամենավստահելի մարդիկ չլինէին, վերցնենք, օրինակ, մի ջահիլ շիմպանզէ, որի մասին պատմողը շոգեհաւել կապիտան է: Նա շատ վարպետօրէն նաւաստիի ծառայութիւններ էր կատարում.— առաջատու ու խարխիս էր թողնում ու նորից ժողովում. սովորել էր վառարանները վառել և նոյն իսկ նրանց փակելու ժամանակը լաւ գիտէր: Ֆրանսիացի գիտնական Բիւֆֆօնը մի շիմպանզէ ունէր, որ շատ նման էր մարդու: Մենակութիւնը և անազատ կեանքն, ինչպէս երևում է, նրա համար շատ ծանր էին, որովհետև միշտ լուռ ու տխուր էր: Նա

շատ քաղաքավարի էր. բաւական նուրբ ձեւեր ունէր և սիրում էր ամեն տեսակ յարմարութիւն. Բիւֆֆօնի բոլոր հիւրերին ձեռք էր տալիս, ճաշի ժամանակ սեղան էր նստում. անձեռոցիկ էր կապում ու գործ ածում, իրեն համար գինի էր ածում ու կենաց բաժակ խփում. պնակ ու բաժակ պատրաստելով իր համար թէյ էր շինում, որ նախ քան խմելը սառցնում էր:

Իւրաքանչիւր նորութիւնից զարմանում էր, կարծես վայրենի լինէր: Մի շիմպանզէ մի օր հայելում իր պատկերը տեսաւ. նա շատ դարձացաւ. սկսեց շարունակ նայել, ծածուկութիւններ արաւ, փորձեց շօշափել իր պատկերը. և հանգստացաւ միայն այն ժամանակ, երբ հայելին հեռացրին: Բայց իմ կարծիքով աւելի ծիծաղելին այն շիմպանզէն էր, որ հիւանդ ժամանակ թաթը բժշկին մեկնելով, խնդրում էր արիւն առնել, որովհետև մի ուրիշ անգամ հիւանդացած ժամանակ այդպէս էին վարւել: Պակաս ուսանելի չեն օրանգ-ուտանների կեանքից եղած պատմութիւնները. օրինակ, Բրէմի պատմածը մի արնու օրանգ-ուտանի մասին: «Նա, ինչ որ տալիս էին, ուտում էր. բայց արմտիք ու կանաչեղէնները նախադասում էր. մեծ բաւականութեամբ էր ուտում նաև տապակած միս ու ձուկն. սովորական խմելիքը ջուր էր, սակայն գինին էլ մեծ ախորժակով էր խմում. խմելուց յետոյ ձեռքով շրթուները սրբում էր, ինչպէս շատ մարդիկ անում են. նոյն իսկ ատամբորիչ էր գործ ածում: Գրպանից գողութիւն անելու մէջ շատ ճարպիկ էր և քաղցրեղէններ այնպէս էր հանում, որ գրպանի տէրը չէր նկատում: Քնելուց առաջ իր տակի խոտն ուղղում, փափկացնում էր, մի խուրձ էլ գլխի տակն էր դնում ու վերմակով փաթաթւում: Նրան շոր էին տալիս և նա առանց շոգն ու ցուրտը տարբերելու, երբեմն գլխին էր փաթաթում, երբեմն մարմնին: Իսկ երբ կատուի ձագ էին տալիս, նա տանում, խնամքով հոտոտում էր: Մի անգամ կատուիկը չանգուեց նրա թաթը. կապիկը դէն գցեց, նայեց վէրքին և այլևս կատուին տեսնել չէր ուզում: Նա վարպետ կերպով կա-

պոցներ էր բանում, իսկ աւելի բարդ կեկուռները (կապերը) ատամներով էր արձակում. այս պարագամունքը նրան մեծ բաւականութիւն էր պատճառում և նա շարունակ կօշիկներէ կապիչներ էր արձակում:

Մաքրասիրութիւնը օրանդ-ուտանների սովորական լաւ յատկութիւններից մէկն է: Նրանցից մինը մինչև իսկ մաքրութիւնն ամեն բանից շատ էր սիրում.— վանդակի աղբը մաքրում, յատակը թաց շորով լւանում էր. ինքը մարդու պէս լւացում էր: Մի քանիսն էլ աչքի էին ընկնում սիրալիւր բնաւորութեամբ.— ի նշան անկեղծութեան ու բարեկամութեան համբուրում էին իրենց տէրերին ու ծառաներին:

Բայց դժուար թէ մէկն ու մէկն այնքան խելացի լինէր, որքան Բօբին, որ մի քանի ամիս շարունակ ճանապարհորդում էր շոգենաւով: Բօբին օրանգների մէջ նոյնքան նշանաւոր է, որքան Կօլօն կղակապիկներէ մէջ:

Ովկիանոսի կապոյտ ալիքները պատռելով լողում է շոգենաւը. նաւորդները բոլորն էլ ընտրեալ մարդիկ են— գիտնականներ ու ճանապարհորդներ, որոնք պտըտում են աշխարհի շուրջը, նրա զանազան մասերում եղած կենդանիների կեանքն ուսումնասիրելու համար: Իրենց հետ շատ հետաքրքիր կենդանիներ ունեն, որոնց թւում նաև կապիկներ: Տախտակամածի վրայ անվերջ ծիծաղ է բարձրանում. մինը ծիծաղելի գլխկոնձիներով ու յիմարութիւններով զարճացնում է հասարակութեանը, որ երկայր ու տաղտկալի ճանապարհորդութիւնից մի փոքր հանգստանալու համար բարձրացել է այդտեղ: Այդ ո՞վ է. դա Բօբի օրանգն է, որ փոքրիկ կապիկների հետ արած յիմարութիւններով ու զանազան խաղերով զարճացնում է հասարակութեանը: Նա դեռ ուրախ է. իր վիճակի ամբողջ ծանրութիւնը դեռ չէ զգում.— գերութեան մէջ, հեռու նւիրական հայրենիքից, սիրելի ընկերներից, սիրասուն զաւակներից ու զրկած ոսկէ ազատութիւնից: Բռնելը մի ամիս հազիւ կայ, և կարողացել է փոքր ի շատէ իւրացնել այդ իրեն համար օտար պայմանները: Անկարգութիւններից յոգնելով, նա տախտակամածը

թողնում, գնում է ցած՝ խոհարարի մօտ. այսօր երկուշաբթի է. նա շատ լաւ է յիշում, որ իրեն այսօր են շաքարով ու դարչինով դոնդող (кисель) տալիս: Նախաճաշից յետոյ նա անշնորհք քայլերով նորից է տախտակամած բարձրանում՝ իր պարագամունքը շարունակելու: Ժամի երկուսին ճաշի զանգը հնչում է. Բօբին իսկոյն իջնում է իր խցիկն ու սեղան է նստում. ճաշի ժամանակ նա միշտ իրեն համեստ ու մաքուր է պահում. միայն ցաւն այն է, որ գդալով արգանակ ուտել ոչ մի կերպ չէ կարողանում: Պնակը վերցնում ու ամբողջապէս զլխին է քաշում. այդտեղ նրա համար մի բաժակ գինի էլ կայ, որ սաստիկ սիրում է: Բօբին գինին վերցնում, դեռ հոտոտում է, կարծես դեռ հոտից է ուզում բաւականութիւն ստանալ. ապա բաժակը շրթունքներին տանելով, խմում է միանգամից: Ինչպէս երևում է գինին դիւր է զալիս, որովհետև բաժակը մեկնում է, որ նորից լցնեն. բայց վճռական մերժումն է ստանում: Բօբին սեղանից չի հեռանում. նա գիտէ, որ դեռ քաղցր էլ պիտի տան, այսօր կօկօսեան ընկոյզ է: Ճարպիկութեամբ ծակում է պօպօրը, դեռ միջի կաթն է խմում, յետոյ կոտրում ու միջուկն է ուտում: Վրայ է հասնում գիշերը. արևը հօրիզոնի ետևն է անցնում. Բօբիի քնելու ժամանակն է. բայց նա դեռ մի փոքրիկ գործ էլ ունի. դեռ պիտի թափ տայ և ուղղի դօշակը. այդ էլ վերջացնելուց յետոյ անուշ ու խոր քուն է մտնում, որպէս զի միւս օրն արևի հետ նորից վեր կենայ: Այսպէս մինը միւսի ետեից անցնում են օրերը— միանման, տաղտկալի, իսկ շոգենաւը հեռու, հեռու, դէպի Գերմանիա է լողում: Հետզհետէ սկսում է ցրտել և Բօբին անհանգստանում է. տաք երկրին սովոր Բօբին տխրում, խոժոռում ու անշարժանում է: Տախտակամածում նախկին խինդն ու ծիծաղն այլ ևս չկայ. չկան ոչ հնարագետ Բօբին, ոչ նրա բարեկամները: Ցո՛ւրտ, ցո՛ւրտ, ցո՛ւրտ.— ահա թէ ի՞նչ է զգում նա. փախչում է խցիկը և այնտեղ դօշակի վրայ պինդ նըստած, աշխատում է որքան կարելի է փաթաթուել բրդէ վերմակում: Բայց և այնպէս նա Գերմանիա չտեսաւ, որով-

հետև ճանապարհին մի դժբաղդութիւն հանդիպեց ու մե-  
ռաւ: Թէ ինչի՞ց առաջացաւ այդ անսպասելի մահն, այդ յե-  
տոյ կ'պատմեմ:

### VII

Գիտնականներն ու ճանապարհորդները կապիկներէ  
նենդութեան, խորամանկութեան ու հնարագիտութեան մա-  
սին շատ բաներ են պատմում. այդ պատմութիւններէից մի  
բանիսն այնքան նշանաւոր են և այնքան լաւ են բնորոշում  
կապիկներին, որ չեմ կարող այստեղ առաջ չբերել: Վերջ-  
ները հետեւեալ դէպքը. մի պարոն մի կապիկ ունէր. նրա  
տան ներքին յարկում գանձարանն էր, որի պատուհանները  
գողերի առաջն առնելու համար երկաթներով էին հիւսած:  
Թէ կապիկն ինչպէս կարողացաւ մտնել այստեղ—յայտնի  
չէ. փաստ է միայն, որ նա մտնում է գանձարան, բաց է ա-  
նում արկղը, և մի բանի արծաթ դրամներ գողանալով,  
թագցնում է իր պարկում: Դեռ լաւ է, որ կապիկի տէրը  
գողութիւնը բռնեց և գանձապահին զգուշացրեց. եթէ ոչ  
վերջինիս բանը բուրդ պիտի լինէր: Հասսանը, որի մասին  
արդէն պատմել եմ, գողերի թագաւորն էր. նրա գո-  
ղութեանն ու սատանայութիւններին վերջ չկար. նրա ա-  
ռաջին գործն եղաւ լաւ ուսումնասիրել նկուղների, ամբար-  
ների և խոհանոցների դասաւորութիւնը, որ փակ ժամա-  
նակը բանալ կարողանայ. և այդ նրան միշտ յաջողում էր:  
Մի անգամ Հասսանի տան տիրուհին լսեց թխտի օրհա-  
սական կըչկչոցը. բանից դուրս եկաւ, որ պատճառը Հաս-  
սանն էր, որ հսկել ու գողացել էր հաւի նոր ածած ձուն,  
որ նրա սիրած բանն էր: Ասենք դա առաջինը չէր, որով-  
հետև շատ անգամ էր տուն եկել ձուտոս դնչով. դրա համար  
նա լաւ նախատինք ու ծեծ կերպաւ. դասն ի դուր չանցաւ.—  
մի անգամ նա գնաց այն սրահն, ուր հաւերը ձու էին ա-  
ծում. սպասեց մինչև հաւի ձու դնելն. իսկոյն վերցրեց ու

վազէվազ բերաւ տիրուհուն տաւ, իսկ ինքը մոմտալով ետ  
բաշեց: Առանձնապէս կաթ ու սեր շատ էր սիրում, որոն-  
ցից մեծ քանակութեամբ ոչնչացնելով, ահապին վնաս էր  
տալիս տնտեսութեանը. թէպէտ դրա համար քօթակ շատ  
էր ուտում: Բայց այս անգամ դասը փոխանակ օգնելու, նը-  
րան ստիպեց մեծ ճարպիկութեան ու խորամանկութեան  
դիմել: Այնուհետև կաթի ու սերի պուլիկը գողանում, բարձ-  
րանում էր ծառը. այնտեղ պուլիկը լաւ դատարկում ու ցած  
էր գցում. բայց յետոյ երեւի մտածեց, որ պուլիկներն ի  
զուր չպիտի ջարդել, որովհետև զգուշութեամբ ցած էր բե-  
րում ու յանձնում տանտիկնոջը: Հասսանն իր սատանայու-  
թիւնը շատ տեղ էր ցոյց տալիս: Օրինակ. երբ մի բանում  
մեղադրւում ու պատժի էր դատաւարւում, իսկոյն մեռած  
ձեւանալով ազատւում էր, որից յետոյ իր վրէժն առնում էր  
կծելով ու սկսում էր հրհռալ՝ գոհ, որ կարողացաւ խաբել ու  
ու մոլորեցնել:

Մի կապուցին (կապիկների տեսակ), որի անունը Մի-  
կի էր, գողութիւն շատ էր արել: Շատ վարպետօրէն որ-  
սում էր ձուից նոր դուրս եկած բադիկներին. նա վերցնում  
էր մի կտոր հաց և բահում ման եկած ժամանակ մօտենում  
ու մեկնում էր նրանց. հէնց մինը մօտենում էր թէ չէ, իս-  
կոյն ճարպիկ Միկին բռնում ու սիրտն ուտում էր: Միկին  
բաւական ծեծ ուտելուց յետոյ միայն թողեց այս սովորու-  
թիւնը: Սրա հնարագիտութիւնը շատ բաներում էր երևան  
գալիս. օրինակ. երբ ձեռքը մի առարկայի չէր հասնում,  
փայտով էր դէպի իրան քաշում: Եթէ նրան փայփայում  
էին, նա այդ դէպքից շատ անբարեխղճութեամբ էր օգտ-  
ւում—զգոյշ կերպով բրբրում էր իրեն փայփայողի գրպանը  
և անպատճառ մի բան էր գողանում: Շատ է պատահել, որ  
նա նամակներ է դուրս քաշել ու իսկոյն ծրարից էլ հանել  
է: Ասել, թէ կապիկները կամ վատ յիշողութիւն ունեն, կամ  
ստացած վիրաւորանքը շուտ են մոռանում, սխալ կլինի  
(նկար 14):

Երևում է, որ իրենց վիրաւորողին չեն մոռանում ու



դէպքն եկած ժամանակն էլ վրէժխնդիր են լինում: Իբրև ապացոյց, ես առաջ կրերեմ շատ փաստերից մինը, որ շատ ուսանելի է:

Սպայի մէկն իր պաւիանին անտեղի կատակներով շատ էր կատաղեցրել: Պաւիանն, ինչպէս երևում է, այդ բանը մտքումը պահել և վճռել էր վրէժ առնել իր թշնամուց: Եւ



Նկ. 14. Միկո եւ կապուցիներ.

անա սպան մի կիրակի օր զուգուած՝ զօրահանդէս էր շտապում: Պաւիանը տեսաւ թէ չէ, կայծակի արագութեամբ վազեց, մի փոսում ցելս արաւ ու սպան անցնելիս, տուր թէ կտանս, ցելսով մէջքին: Սպան զօրահանդէսից զրկեց. իսկ պաւիանն անշափ ուրախացաւ ու ամեն անգամ սպային պատահելիս ծիծաղում էր: Երբ խօսքը կապիկների հարազտութեան մասին է, չեմ կարող մոռանալ մի կապուցինի,

որ երկար ժամանակ ապրել էր անգլիացի դիտնական Բօմէնսի մօտ: Բօմէնսը յանձնարարել էր իր աղջկանը՝ դիտել կապիկի իւրաքանչիւր արարքը և մի առանձին տետրում նշանակել: Աղջիկն այդպէս էլ անում էր:

Ինչո՞վ էր նշանաւոր այդ կապիկը. առաջ նրան վանդակում էին պահում, իսկ յետոյ սենեակ բերին ու շղթայով լացարանին կապեցին:

Ամբողջ օրը նա զբաղւած էր—սիրում էր չարութիւններ անել, կոտորտել, կռիւ գցել, կծել և այլն: Նրան փայտ էին տալիս. նա փայտի մի ծայրը կոխում էր պատի ու մի ծանր առարկայի մէջ, իսկ միւս ծայրից ուժը պատածին չափ քաշում, կտարում էր. շորի կտոր էր ընկնում ձեռքը, նոյնպէս.—ատամներով ծւիկ-ծւիկ էր անում: Ընկոյզ շատ էր սիրում և երբ չէր կարողանում ատամներով կտարել, վերցնում էր իրեն մօտ ջրի համար դրած պնակն ու տակով խփում էր ընկոյզին, որ ջարդէ: Տանտիկինն այս տեսնելով, մի մուրճ տւաւ նրան. կապուցինը դեռ լաւ զննեց մուրճը և յետոյ սկսեց նրանով՝ ինչպէս հարկն է ընկոյզներ կտարաւ: Մի անգամ էլ ընկոյզը դուրս պրծաւ և այնքան հեռու գորւեց, որ կապուցինի ձեռքը չհասաւ. նա մի փայտ վերցրեց ու փորձեց դրանով մօտեցնել. այդ էլ չաջողեց. այդ ժամանակ նա վերցրեց իր վերմակը, երկու ծայրից բռնեց, տարաւ դէպի ուսը և յետոյ այնպէս գցեց, որ ընկոյզը ծածկեց. այնուհետև զգուշութեամբ դէպ ինքը քաշեց վերմակը, իսկ նրա տակ նաև ընկոյզը: Մի անգամ մտքովն անցաւ չարութիւն անել այնտեղ, ուր ինքը չէր հասնում. մօտեցաւ լացարանին, որին իր շղթան էր ամրացրած, մի կերպ լացարանն այնքան առաջ բռնեց, որ կարելի եղաւ մտնել նրա ու պատի մէջ. չորս թաթերով յենեց պատին ու լացարանն այնքան առաջ տարաւ, որ այնուհետև կարողացաւ ազատ կերպով հասնել իր ցանկացած առարկային:

Նա չէր տանում, երբ իրեն ծաղրում էին. տաքանում և դէպի վիրաւորոզն էր շարտում ամեն ձեռքն ընկած բան: Մի անգամ այդ միևնոյն սենեակը մտաւ մի դերձակուհի.

Բօմէնսի քոյրն ուզեց ցոյց տալ թէ իրենց կապիկն ինչպէս լաւ մուրճ գործածել գիտէ և նրան ընկոյզ տաւ։ Կապիկն իսկոյն ընկոյզը կոտրեց, բայց փուշ դուրս եկաւ։ Դերձակուհին տեսնելով կապիկի թթւած դէմքը, ծիծաղեց։ Կապիկը սաստիկ վիրաւորեց և դէպի նա շարտեց ամեն բան.— սկզբում դատարկ կճեպները, յետոյ մուրճը, սրճամանը, նոյն իսկ իր սիրելի վերմակը։ Կուելիս նա անչափ ծիծաղելի էր։ Տեսնելով, որ բարկութիւնից, գոռում գոչիւնից ու յատակը ծեծելուց ոչ ոք չի վախենում, աշխատում էր իրեն վիրաւորողին այլ կերպ վշտացնել։ Երբեմն կուելիս մի ծանրը բան առած ձեռքը բարձրանում էր մուհաջաւի վրայ ու այնտեղից գցում էր հակառակորդի գլխին։

Բայց նա միշտ այդպէս անկարգ չէր. յաճախ ժամերով հանգիստ նստած՝ աշխատում էր մի որևէ խնդիր վճռել։ Այսպէս. մի անգամ նրան լուրջ զբաղւած գտան.— պտտելով ուզում էր խողանակը (шетка) կոթից հանել. երկար աշխատելուց յետոյ այդ նրան յաջողեց. սակայն հիմայ էլ նոր հարց առջ եկաւ— ինչպէս նորից հագցնել։ Այդ գործը նա այնքան համբերութեամբ տարաւ, որ վերջ ի վերջոյ նպատակին հասաւ. և ըստ երևոյթին զո՞հ մնաց իր յաջողութիւնից։ Մի այլ անգամ աւելի ծանր խնդիր տւին. պիտի սնդուկը բանալիով բանար. խեղճն ամբողջ 2 ժամ չարչարեց և անպատճառ կրանար, եթէ սնդուկի փակը մի փոքր փշացած չլինէր։ Նա երկար չարչարելուց յետոյ բանալին իր տեղը դրաւ. և սկսեց երբեմն դէպի աջ, երբեմն դէպի ձախ դարձնել, ամեն անգամ սնդուկի կափարիչը դէպի վեր քաշելով. կարծես ուզում էր իմանալ բացւեց թէ ոչ։ Նրա արածները մէկիկ-մէկիկ թւելը մեզ շատ հետու կտանէր։

Իբրև վերջաբան կպատմեմ թէ նա ինչպէս վարեց իր տիրոջ Բօմէնսի հետ։

Բօմէնսը կպուցիւնին կենդանարանական այգին տաւ. և երբեմն գալիս էր նրան այցելելու։ Կապիկը ոչ միայն յիշում էր իր տիրոջը, այլ և ամեն նրան տեսնելիս խելքը գնում էր։ Բաւական էր որ Բօմէնսը մօտենար նրա վան-

դակին. նա ճանաչելուն պէս իսկոյն վեր էր թռչում, մօտ վազում, ձեռք մեկնում և ամեն կերպ աշխատում իր ուրախութիւնն արտայայտել։ Իսկ երբ Բօմէնսը հեռանում էր, կապիկը երկաւր-երկաւր աչքերով ճանապարհում էր նրան, մինչև որ այլ ևս չէր երևում։

### VIII

Կապիկներից ոմանց մեծ պակասութիւններից մինն էլ որելից խմիչքների սէրն է. գինու, օղիի, գարեջրի համար նրանք ուղղակի մեռնում են։ Մէկը նոյն իսկ հարբեցութեան զո՞հ գնաց։ Մի տեսակ խմիչք կայ— մէրիգա, որ գարեջրի պէս է. այս խմիչքը սաստիկ սիրում էին այն կապիկները, որոնց շողենաւով Բրէժը տանում էր. մի անգամ ծածուկ այդ խմիչքից բաւական խմել էին. երբ մի բաժակ գարեջուր էլ տիրոջից ստացան, այս կապիկներն իսպառ հարբեցին։ Հարբած դրութեամբ պաւիանները շատ զզւելի, չար, կոպիտ, անպիտան ու անխիղճ էին։ Երկրորդ առաւօտը, երբ երևան եկաւ խումարութիւնը, նրանց դրութիւնը բաւական ցաւալի էր. սաստիկ գլխացաւ զգացող մարդու պէս նրանք գլուխները բռնած, շարունակ նւում էին. ուտելիքի ու խմիչքի վրայ զգանքով էին նայում ու խումար մարդու պէս ազահութեամբ կլանում էին ամեն տեսակ աղի ու թթու բան. և ինչ էր կարծում— դրանից յետոյ նրանց դրութիւնը փոքր ինչ լաւացաւ։ Դուր, անշուշտ, յիշում էք այն Բօբին, որ Դերմանիա չհասած ճանապարհին մեռաւ. այդ անսպասելի մահւան պատճառը չափազանց խմելուց առաջացած տիֆն էր։ Մի անգամ Բօբին բուժէտ մտնելով, այնտեղ կողովի մէջ մի քանի շիշ գինի է տեսնում. մէկը վարպետօրէն հանում ու ամբողջապէս դատարկում է. տասն բոպէ չանցած, նա արդէն հարբած էր. սկսում է աթոռների ու սեղանների վրայ թռչկոտալ, գլխկոնձի տալ, դէմքը ծոմոնել, խելագարի պէս դէս ու դէն ընկնել. մի խօսքով մի այնպիսի աղմուկ է

բարձրացնում, որ բոլոր քնածներին արթնացնում է: Այնուհետև ընկնում է յատակի վրայ ու անշարժ մնում, մինչև որ նրան վերցնում, պարկեցնում են: Դրանից յետոյ Բօբին սկսում է սաստիկ դողացնել, որ շարաթններ է տեսնում. բըժշկուհիները նրան չէ կարողանում օգնել և նա 14-րդ օրը մեռնում է: Բօբին իր հիւանդ ժամանակը շատ ջերմ էր վերաբերում իր բժշկին ու տիրոջը: Մենք արդէն մի քանի անգամ տեսանք, որ կապիկի սրտում սիրոյ ու բարեկամութեան համար տեղ կայ: Այդ պատմութիւններին 2—3 էլ կաւելցնեմ, որոնք շատ լաւ ցոյց են տալիս, թէ առհասարակ կապիկն ինչպէս է վերաբերում դէպի իր ձագերը, որդեգիրներն ու մարդիկ:

Ահա Բրէմի նկարագրած դէպքը. մայրն իր ձագի հետ ծառի տակ խաղում է. մի հրացան է պայթում և գնդակը վիրաւորում է մօր կուրծքը. մայրն այդ բոլորէին էլ իր ձագի մասին է մտածում.—բոլոր ուժերը հաւաքելով, ձագին առնում ու ծառն է հանում, նա այդպիսով ձագին փրկած է համարում. իսկ ինքն ընկնում է անշնչացած: Բայց տեսէք, թէ Կօկօն ինչպէս վերաբերեց իր որդեգրի մահանը. նա սկզբում դեռ հաւատալ չէր ուզում.—սիրածին գիրկն առաւ, փայփայեց, յարդարեց ու նստեցրեց յատակին: Բայց յուսահատութիւնը կամաց-կամաց պաշարեց նրան, երբ տեսաւ իր գաւակի անշարժութիւնը, նոյն իսկ գետին փռելը: Նա նորից գրկեց, նորից նստեցրեց, բայց անյաջող. այնուհետև նա սկսեց ցաւալի կերպով հառաչել, և որքան վիշտ կար այդ հառաչում. նոյն իսկ նրա անայտորժ ձայնն ինչ որ փափկացել ու քնքշացել էր. բայց ցաւն իրենն արաւ. և մեղմ ու տխուր հառաչը սոսկալի ոռնոցի փոխեց: Շատ ցաւեց Կօկօն տէրը և հրամայեց դիակը բարձր պատի միւս կողմը գցել. կարծում էր, թէ Կօկօն կ'ուռանայ ու կհանգստանայ. բայց այդպէս չեղաւ. Կօկօն խելագարի պէս իր թոկը կտրեց ու դիակը հտ բերեց: Այդ բանը մի քանի անգամ կրկնեց. այն ժամանակ հրամայեցին դիակը թաղել: Կէս ժամ չանցած՝ Կօկօն տանից դուրս ընկաւ և այլ ևս չվերադարձաւ.

ի՞նչ եղաւ—յայտնի չէ: Կապիկ որսողներն աւելի ցաւալի տեսարանների են ահանատես լինում: Պատմե՛ք դրանցից մինը: Բրէմը գնդակահար արաւ ծառի վրայ նստած մի կապիկի. բայց միայն վիրաւորել էր. նա ծառից ընկաւ, բայց փախչել չկարողացաւ, այլ սկսեց սրբել վէրքից հոսող արիւնը և ձեռքով սղմել բացւածքը. կարծես ուզում էր ծորող արիւնը կանգնեցնել: Նրա դէմքը դէպի Բրէմն էր. և որքան տանջանք ու վիշտ կար այդ դէմքի վրայ: Կապիկի լուռ ու յանդիմանող հայեացքը կարծես ասում էր. «Յո ինչի՞ն էին պէտք իմ ցաւերը, ինչո՞ւ զրկեցիր ինձ դարձութիւնից. ինչո՞ւ էի ես արժանի այս տանջանքին»: Բրէմը դիմանալ չըկարողացաւ. հանգստացնելու համար նա դաշոյնի մի քանի հարւածներ հասցրեց, որից յետոյ խեղճ կենդանին շունչը փչեց: Այս դէպքն այնքան խոր ազդեց Բրէմի վրայ, որ նա խօսք տուաւ այլ ևս կապիկների վրայ գնդակ չ'արձակել:

Հնումը կապիկների մասին ծիծաղաշարժ բաներ շատ էին պատմում. ասե՛ք հիմայ էլ պատմում են: Նրանց միշտ սատանայի հարազատ զաւակներ են անուանել: Միայն հնդիկներն ու եգիպտացիք են յարգանքով վերաբերել: Այդ ազգերը կապիկներին Աստծու տեղ էին դնում և նրանց պատկին տաճարներ էին շինում, զոհեր էին բերում և իրենց միւս աստուածներին քարերի վրայ նրանց պատկերով էին ներկայացնում: Արարներն, ընդհակառակը, տանել չեն կարողանում—նրանք ասում են թէ՛ կապիկը սատանայի ու մարդու մէջ եղած ինչ որ բան է, սատանայի յետնորդը, նրա թուրը, ծոռն է. թէ երկնքի ու երկրի արարիչը նրան պատժելու համար մարդուց զուելի հրէջի է վերածել, նրա համար ոչ մի սրբութիւն չկայ, որ ոչինչ չէ յարգում ու բարւոյ և չարի մէջ խտրութիւն չէ դնում: Աֆրիկայի նեգրները, որոնց մօտ կապիկների ահագին հասարակութիւններ կան, նրանց համարում են մարդու մի այլ մազոտ տեսակը:


Հնդկաստանում յարգւած կապիկների մէջ յետին տեղ չեն բռնում նաև խուլմանները. ի՞նչով են այդ կապիկներն

այդպիսի պատուի արժանացել: Հնդիկների մի աւանդու-  
թիւն պատմում է, թէ հսկայ Բավանը Սիտա թագուհուն  
փակցնելով, տարել է Ցէյլոն կղզին: Խուլմանը կարողացել  
է ազատել խեղճ գերուն և բերել թագաւորին. ահա այդ օ-  
րից հնդիկներն սկսել են աստուածացնել խուլմաններին:  
Հնդիկները դրանց ուրիշ արժանաւորութիւններ էլ են վե-  
րագրում. նրանց կարծիքով խուլմանը ոչ միայն կարողացել  
է թագուհուն գերութիւնից ազատել, այլ և յաջողցրել է  
հսկայի այգուց նրանց համար գեղեցիկ պտուղներ էլ գողա-  
նալ, որոնք այնուհետև աճել են նաև Հնդկաստանում: Պէտք  
է ասել, որ հնդիկներն այդ կապիկներին պատուելու մի այլ  
յարգելի պատճառ էլ ունեն: Նրանք իրենց յատուկ միամը-  
տութեամբ կարծում են թէ՛ իրենց նախորդների հոգին  
խուլմանների մէջ է մտնում, թէ իրենք էլ պիտի մեռնելուց  
յետոյ խուլմաններ դառնան: Այս յիմարութիւններին հաւա-  
տալով, նրանք խուլմաններին յարգում են իբրև իրենց մե-  
ռած հայրերի ու զաւակների. իսկ խուլմաններն, ինչ խօսք,  
օգտւում են այդ բանից: Այս սրբազան կենդանուն սպանելը  
մեծ մեղք է համարւում. այդ պատճառաւ էլ հնդիկները ոչ  
միայն իրենք չեն ձեռք տալիս նրանց, այլ և ուրիշներին  
արգելում են: Մի անգամ մի հոլլանդացի գալով Հնդկաստան  
և չիմանալով տեղացիների այդ սովորութիւնը, մի խուլման  
է սպանում: Եւ գիտէ՞ք ինչ եղաւ. Հնդիկներն այնպիսի աղ-  
մուկ բարձրացրին, որ հազիւ կարելի եղաւ նրանց հանգս-  
տացնել. նրանք կարծում էին թէ՛ ինչպէս հոլլանդացին,  
այնպէս էլ այդ սպանութիւնը չարգելողները բոլորը կմեռ-  
նեն: Բայց, ի հարկէ, բոլորն էլ անմիաս մնացին: Որովհետև  
խուլմաններին սպանելն արգելւած է, այդ պատճառով այդ  
կապիկներն էլ դարմանալի ստահակութիւններ են անում.—  
նրանք ոչ միայն ամենամախիղճ կերպով կողոպտում են  
հնդիկների այգիներն ու բանջարանոցները, այլ նաև առանց  
այլևայլութեան սենեակներն են մտնում և քիչ է մնում  
մարդկանց բերանից կերակուր հանեն (նկ. 15):

Բայց պէտք է վերջացնել.

Բոլոր այս գրքոյկում պատմածներից դուք տեսաք, թէ  
կապիկների մէջ մարդկային որքան շատ բան կայ. և ընդ-  
հակառակն, մարդու մէջ կապիկային որքան կայ:

Դուք տեսաք, որ խելքը, ժրութիւնը, ճարպիկութիւնն  
ու հնարագիտութիւնը միայն մարդուն չեն յատուկ, որ՝ ինչ-  
պէս մարդիկ, այնպէս էլ կապիկները իրարից խելքով ու  
ընաւորութեամբ տարբերւում են: Բացի նենդ ու խորամանկ-  
ներից դուք տեսաք նաև անձնուէր ու բարի կապիկներ:  
Բացի գողերից, վրէժխնդիրներից ու չարերից դուք տեսաք



Նկ. 15. Խուլմաններ.

այնպիսիներին էլ, որոնք իրենց բարութեամբ ու սրտակ-  
ցութեամբ շատ մարդկանցից պակաս չեն: Բայց չկարծէք  
թէ բոլորն էլ կապիկների մասին լաւ կարծիք ունեն: Օրի-  
նակ. Օկէն գիտնականի ասելով կապիկները մարդուն միայն

չարութեամբ են նման. նրանք չար, կեղծաւոր, նենգ, անհանգիստ ու գող են. նրանք մարդուն ոչ մի օգուտ չեն տալիս, թէպէտ շատ բանի են վարժուում—պահապանութիւն են անում, զանազան իրեր են կրում, բայց այդ բոլորը անում են մինչև այն ժամանակ, քանի դա իրենց բաւականութիւն է պատճառում:

Դուք ի՞նչ կասէք. ճշմարիտ է ասում ծերունի Օկէնը թէ ոչ:



<< Ազգային գրադարան



NL0260629

13129